

光緒香山縣志

香山縣志卷六

建置

城池

香山故城在城南

黃通志

宋陳天覺築

張府志

繚以土垣元因之

周四百五十丈門四南曰阜民東曰啟秀北曰拱辰西曰登

瀛明洪武二十六年

郝通志作二十八年

守禦千戶陳豫廣之作磚城

祝志云案黃通志改築故址爲軍營詳古蹟

高一丈七尺上廣一丈下廣一丈八

尺周圍六百三十六丈雉堞三千六百四十門四各以方名

祝志云今城門仍復舊名

樓四敵樓四兵馬司四

暴志云今廢

水關二警舖十

二宏治間知縣劉信於磚城外擴地二丈許築子城螭垣

周三里有奇

祝志云方輿紀要中規北墉東西兩隅形合矩周五百二十九丈

祝志云南墉東西兩隅形

二尺八寸堞一千二百三十

嘉靖二十三年颶風壞東南一帶知縣鄧遷

修復

申志

崇禎十三年知縣顧其言

阮通志作劉大垣誤

增城四尺原窩

舖十四間增造十一間築來青鬱金二臺

阮通志

南門原位丙

直正薰街崇禎十一年署縣劉大垣從衆請開正門直縣治

申志

祝志云郝通志有香山門疑卽此

國朝康熙十七年知縣卞三魁從衆

請改復

祝志云申夏翰有修城復南門引事不成文不錄

東門原內外異向五十七

年知縣陳應吉改開正門

嘉慶七年

知縣許乃來捐修各

城樓西門以日者言不利未修道光二十八年知縣陸孫

鼎倡修各城門

陸孫鼎有記

西門原內外異向二十七年知縣徐

瀛從邑紳請改開正門同治三年邑紳曾望顏等開復舊門

探訪冊

水關一明關覆以樓介西南一暗關介東南

申志

池東南長五

百四十七丈

大清一統志

申志同旱塹

大清一統志

北有長塘西枕

武山廣東興屬東北杖月子山西枕武山無濠祝志云長地
即旱塹乾隆間小機何姓墾之以葢舖舍今進南數十武有
長塹古廟名一百四十六丈大清一統志廣八十九丈廣東興屬同凡濠塹周六

百九十三丈濶四丈五尺深一丈三尺其延袤視城有加申志

日久蟻垣傾圯旱塹湮塞乾隆十一年知縣張汝霖倡捐疏

濬南河其水復繞城濠嘉慶十五年邑人鄭汝貫捐修東

南西南水關二十一年知縣馬德滋捐浚城濠及規涌城濠

水關近復淤塞附近居民築室侵佔道光七年典史左昌垣

通水關祝久之復淤塞同治二年邑紳捐資疏通達於濠由

濠達於河採訪冊

前山寨城北距縣一百二十里而遙南至澳門十五里而近

明萬曆二年設關闢於蓮花壘天啟元年始立寨印光任澳門記畧

國朝康熙五十六年建土城周圍四百七十五丈高九尺下

厚三尺上厚二尺

志

每城二十丈增築子城一丈凡二十四

丈爲門三

澳門記略

南曰前豐東曰物阜西曰晏清

祝志

原注云阮通志誤

以澳城三巴等門爲寨城門

北偏於山故不門起礮臺兵房於西南二門

上臺各置礮四位又分置城上者六二門外復建臺列礮各

十皆知縣陳應吉經理之

澳門記略

乾隆十年設海防營嘉慶十

四年立專營制澳夷作爲前山營

阮通志

關關加築石垣建哨

樓一座脩復營房九間距關關三里建營房六間望樓一座

烽臺三座前山營添建軍裝局一間兵房四百一十八間並

修復海防營舊兵房九十間火藥局二間演武亭一所知縣

彭昭麟經理其事

祝志

原注云明天啟元年設參將

國朝康熙三年改爲副將尋以都司代雍正

八年設縣丞乾隆八年設海防同知十年立海防營嘉二十

三年署縣鍾英脩兵房藥局

祝志

原注云阮通志十四年知縣彭昭麟鍾英捐建未悉

南順署草土城在潭洲

祝志

原注云建城年代無考張府志載右營都司署原在署草土城各

武員衙署皆建於康熙七年則右營都司署應在是年疑城之建亦應在是年也

南村之南今圯惟

存正西磚城門榜曰鎮洋城

採訪冊

黃梁都斗門墟土城在縣西南九十里

祝志

原注云縣志作縣南一百五十里

談城方一里

誤門

乾隆二年建周圍二百丈高七尺五寸上

祝志云土

厚四尺下厚五尺雉堞用磚東西城上各設臺樓一座

祝志云土

城祇東南二門皆有較九位知縣李景厚經理其事

祝志

公署

萬壽宮在城內東北隅無量寺西乾隆三十三年知縣楊楚

枝恭建

祝志

揚楚枝碑祝志

戊子

宮成其制東西華

門內爲頭門爲儀門爲丹堦丹堦內

宮斯立焉左右建朝

房東偏另建待漏所計深二十二丈六尺五寸北橫四丈九

八八寸南橫四丈七尺五寸官廳深十三丈三尺五寸北橫

三丈二尺三寸南橫三丈二尺

照廳外深七丈八尺五寸北

三丈二尺三寸南橫三丈二尺

照廳外深七丈八尺五寸北

三丈二尺三寸南橫三丈二尺

照廳外深七丈八尺五寸北

三丈二尺三寸南橫三丈二尺

照廳外深七丈八尺五寸北

香山縣志

卷六

建置

公署

三

三丈二尺南橫一丈一尺官廳之東虛地深十二丈二尺北橫三丈七尺五寸南橫一丈西南小屋一進一坡匠作土不費六千餘金餘費移建城南壽坊於城西隅老安山沙涌渡頭各增置文閣一座更文廟照牆爲奎光樓

同治

四年知縣吳經采捐資重修

採訪冊

海防同知署在前山寨城內原副將署乾隆九年改建

澳門記略

按暴志作乾隆十四年誤

延一十四丈袤一十六丈大堂三間前爲月

臺中爲甬道東西吏房六間二堂五間幕廳二間後堂五間

厨舍各具儀門五間左土地祠右寅賓館大門三間兩旁號

房阜隸房前爲東西轅門鼓亭二所南爲照牆圍牆七十丈

高一丈旁爲箭道馬房

暴志

知縣署在仁山下邑人劉必從故宅宋紹興二十二年建

申志

宋末被寇徙於蓮峯山建寨據守

暴志

元至元二十一年縣尹

王天祥修復舊治

祝志

阮派碑會謂鄰邑之建所以承流宣化也官得其人則民安其業豈有外邑

厥設邑視古子男國地方百里而封域乃十於古焉非得其人愈難於治香山土曠人稀昔爲東莞縣之一鎮紹興壬申始建爲邑哀南海番禺新會東莞崎香鄉分以實之從邑士曠大覺之請也歷百餘年彫瘵彌劇邑治荆棘戶口懸磬習俗簡陋且長佐驟更政卒罕善至元二十年甲申春將仕郎王公來尹斯邑襟蒙之初以政新民以學賦政如春而煥如秋而肅崇儒先務也首葺泮宮勸農重本也次省徭役至琳宮寶刹咸相與更新成卒斷隸嚴加糾繩葢政旬月逆者復勞者安憂者泰衆咸宜之一日攜邑父老訪縣舊治於蓁萊之中慨然曰民如子也邑如家也邱墟其家欲俾赤子安輯得乎乃毅然率先以鼎建解宇爲己任屏櫛駢畚瓦礫相陰陽捐已貲市廢屋鳩工聚材力甚勤也塵衣寔衰躬其勞也是以天與其時地奉其利人輸其力經營於甲申之冬落成於乙酉之春廳事堂廡房廡宇舍凡昔之頽然蕭然者今皆屹然巋然矣邑人士交相慶曰胸中有全室然後能作室豎硬香梁運巧心匠非公其孰能之吾知公不以驛視縣不以傳舍視官舍方來事業有燦然耀人耳目者盍碑以識其事若夫銘公德政同壽鐘彝有人心之碑在後之紀姓名連次者必能觀公盛舉嗣公美意將見大書屢書不一書與香山之名相爲始終於無窮云公名天祥大名路滑州黃縣人也時至元乙酉

大德中縣尹劉仁秀脩志順帝至正六年縣尹

張執樂溫復脩志有舊尤有慕官旁求俊乂共圖治理必嚴

選其合以爲之綱皇元稽古建官備矣於是冀州南宮張侯
敏之以辰溪簿有能吏聲耀香山縣尹至正甲申冬甫莅政
顧縣治頽圯欲謀新之念民瘼未理政事未卒年穀未登使
民恐力弗逮遂不采明年政平訟理歲豐民和侯以闕委從
戎事適鄰邑又不果越明年秋雨暘時若歲仍大稔禱禱之
誦並作侯乃論於衆曰縣有治治有堂所以爲民宣政化察
邪正辨曲直者也風雨空穿梁棟揆折不新可乎咸曰不新
則上無以示宣化之重下無以聳觀瞻之嚴先後大夫秉政
於邑者輒哀資議營會未興役以怠止或去今賴賢侯廉潔
仁惠民力得寬且全願各輸資効力期在必成侯遂謀諸邑
簿唐君實委吏宰費慎計出入徵匠僱工以農隙興事戒匠
氏以無侈舊制無棄良材由是民益歡赴之工善吏勤忘所
有事經始於丙戌之秋落成于丁亥之夏邑士大夫序其始
末屬子記之于問今之居官者知屬民以自養而已其視公
宇如傳舍陵替於吾何有哉其或知所務矣設兵而不恤其
民或知恤其民矣而德政不加恩惠不立罕能有以得其心
是則雖欲使公宇之頽者圯者輪焉與焉吾未見其成也必
強之而後可乎強之則流於刑驅勢迫吾未見其成之速也
雖成之速民勞而怨生必矣張侯之善有三解民之倒懸以
息其力俟民力之全乃謀創邑宇而民爭竭力是不輕用民
力其善一也農工漸收始興工役悅以使民民忘其勞是使
民以時其善二也不增舊制論以尙樸費省而堅是節以制
度不傷財害民其善三也備此三善所以得民之趨事赴功
而事之有成宜矣昔召康公懿訟甘棠之下民思慕之懷樹

不伐予知異時民懷侯德觀茲厦宇之
幾發其亦昔之甘棠歟其可書也已
元末海賊李祖三盧

寶善相繼劫掠

申志見山川門

宣差托囉克台守舊寨山

大清一統志移

縣治

黃通志

祝志云案諸志及各碑文則徙治於蓮峯山

言之宜黃通志云元末暴志云宋末蓋未詳考而各據其一
達魯花赤是監縣尹者考宋有宜差謂權宜差遣也此達魯
花赤種宜差者元史志自六品至九品為教授則中書牒署
之自一品至五品為宣校則以制命之路府及縣達魯花赤亦
不論品秩皆制命之非中書牒署故稱宜差達魯花赤蒙古
語頭目也是監縣職元史百官志其牧民者則曰路曰府曰
州曰縣官有常職位有常員其長則蒙古人為之而漢人亦
焉黃通志似誤托囉克台諸志皆作朶羅歹種譯之不同耳

明洪武三年縣丞冲敬仍舊址重建三十年知縣周頤成化
中知縣朱顯宏治中知縣黎燦嘉靖中知縣鄧遷相繼增脩
計三十餘丈廣十七丈五尺正堂三間
申志原注云舊額曰仁政堂知縣朱顯
易公生明林士元易敬愛
祝志云川堂一間
知縣鄧後堂
國朝乾隆間知縣許敦元易親民
三間
知縣黎燦建吏房七間庫樓一座
在堂東儀仗庫一間架

閣庫三間幕廳三間

知縣周頤建

儀門三間東西旁門二間儀門

外東西二廊

廊後爲倉

譙樓三間獄房三間左爲土地祠三間右

爲題名碑亭大門三間外爲旌善申明二亭中發甬道南爲

照牆拓東西路各八尺後堂北解舍門樓一間前廳三間

有近仁堂知縣毛毓祥建申良翰重脩

後廳三間耳房三間夾廊二間厨舍各

具

申志祝志云後堂北解舍卽仁山書院故址

國朝康熙四十七年知縣龐嗣

焜脩

暴

嘉慶十九年知縣馬德滋捐脩內衙

同治十一年

祝志

知縣田明耀捐修頭門

縣丞署在澳門望廈村舊在縣署右康熙四十七年奉裁

作四十年

知縣龐嗣焜改爲義學

乾隆八年添設同知移縣丞駐今所重項建造

祝志云暴志雍正八年移望廈村誤

大堂三間儀門三間大門一間後

堂三間土地祠一間吏房四間厨舍各具

暴志 觀志云現

房民

典史署在縣堂右舊在儀門左乾隆十三年典史馮成偉遷

建今所

祝志

原注云申志主簿署在正堂右典史廨舍在儀門左今典史署在堂右蓋因主簿廢署遷建暴志

乾隆十三年建未悉嘉慶五年典史劉瑞桐脩道光六年典

史左昌垣脩

原事右古榕橋根成門左

教諭署在正薰街

祝志 原注云

舊在明倫堂西齋左

申志

訓導署在永甯街

祝志

原注云

舊在明倫堂西齋左

申志

香山司巡檢署在大欖都即舊香山寨明洪武三十三年巡

檢張學重建

國朝康熙三年遷界裁缺九年展界復設

乾隆四十年脩道光元年巡檢潘應選脩

今署在小欖鄉慈恩廟左 祝志

黃圃司巡檢署在小黃圃村明宏治九年知縣黎燦建

國

香山縣志

卷六

建置

公署

六

朝康熙三年遷界裁缺九年展界復設

申志

乾隆間脩嘉慶二

十年巡檢翟桂脩

祝志

黃梁司巡檢署在黃梁都城雍正九年建

雍正九年總督郭玉麟疏稱香山地

居濱海在在險要西設香山司一員西北設黃圃司一員東南則屬典史管轄屬內黃梁一都地方遼闊孤懸海島距縣治爲遠向無文員駐劄典史勢難兼顧匪類易於潛藏請添設巡檢一員駐劄彈壓阮通志

道光三年巡檢張國棟脩

祝志

按署已圯

淇澳司巡檢署在淇澳堡

祝志

原注云阮通志在澳門誤

乾隆三十四年

建乾隆三十年部准裁歸善欣樂司巡檢添設香山澳司

阮通志

祝志云署已

圯巡檢常

僧會司署在無量寺

祝志

常平倉在儀門右

張府志

豫備倉在儀門外西側三間明嘉靖

二十二年知縣羅岐建

申志

國朝雍正七年署縣王師旦脩

廣儲倉在縣堂東相因倉在縣堂西各五間康熙四十四年

知縣龐嗣焜建豐盈倉在儀門外左側原倉新充倉在相因

倉後原寅新實倉在廣儲倉後三倉共十一間康熙五十四

年知縣陳應吉建晏大有倉在縣署東新建倉在大有倉右

二倉共五間雍正五年以廣海衛舊署改建祝志云累志明

置平戶所在縣東五十步國朝所裁廣海衛移駐雍正三

年衛裁知縣余慶錫詳改鐵城義學五年奉行撥貯西穀知

縣陳棟詳請改後座為倉餘屬義學後香山協左營守備移

縣駐劄總督機軸衛署知縣守備會勘詳請改中座儀門為

守備署後座仍舊為倉厥餘房及西側空房歸義學厚積倉在大有倉左廣濟倉在大

有倉後廣益倉在厚積倉後廣恩倉在新建倉後四倉共十

二間乾隆十年建新盈倉新豐倉洪恩倉廣大倉富有倉日

新倉六倉俱在縣舊箭道共二十四間新設張府和豐倉安

阜倉俱在署內東

祝志

社倉一捕屬倉在城東無量寺志乾隆十六年建二間二十

六年知縣姜山增建二座志原社倉五座在城內廣海衛舊

署雍正六年建志一香山司屬倉在小欖志雍正三年貢生

何聖強捐建志一黃圃司屬倉在小黃圃村一黃梁司屬倉

在巡檢署側一縣丞屬未建倉志

公帑庫在縣後堂左志康熙間知縣龐嗣焜建志

龍亭庫在縣大堂右志

副將署在西門內永甯街康熙七年建志天啟元年建副將

署志天啟元年特改設參將於前山寨詳營制

左營都司嘉慶十五年移駐城內公所未建衛署志舊署

在前山寨志

左營守備署在東門內原千戶所舊址志詳大有倉條舊署在前山

寨

暴志

祝志云康熙七年移副將

右營都司署一在小欖小河洲

採訪冊云今在舊日坊

一在黃梁都城

更番駐劄

既通志

原分防潭洲南順署草汛雍正九年奉文冬

春駐小欖夏秋駐潭洲十二年夏秋改駐黃梁都城

暴志云

既通志小欖及黃梁都城都司署俱云康熙七年建譔葺康熙七年所建者乃南順署草汛原建之都司署也今小欖及黃梁都城之都司署亦創舉未修都司欲居小欖而黃梁都司亦欲按期遊視一次同治十一年知縣

田明曜檄欖鄉人重建都司遂駐防小欖

採訪冊

右營守備署在北門城隅

暴志

康熙七年建

既通志以北門內之右營守備署爲

康熙五十七年建東門內之左營守備署爲康熙七年建

既通志

左營千總一防雍陌一防三竈未建署

同上

右營千總署在小欖新圍汎原防深水步乾隆二年移駐今

所動項建

既通志

嘉慶十年圯於颶風今未脩一防白鯉沙未

建署

祝志

把總衙署兵房乾隆十三年部准動項建

阮通志

祝志云

署其分防各汛及
礮臺別詳營制

軍裝庫未建皆安貯守備大堂

教場在城外長塘西北

俱同上

祝志云暴志云
在北官基旁即此舊在城東

北沙岡地隸屯軍

申志

國朝屯廢香山營於此操演雍正十

三年協鎮陳汝鍵知縣李景厚詳遷今所建演武亭於其上

原沙岡教場地十六畝三分零賣與黃日亭李大業陳李姓
黃崑峯劉永基等得價買后岡涌北官基旁民田一段直長

九十丈橫二十五丈稅
二十畝三分

暴志

小教場在城外西北隅武峯麓

祝志

接官亭在縣西石岐山下明正德間典史林暘重建天啟間

知縣周維持建忠孝節義名邦坊

申志詳
坊表

國朝乾隆九年

署縣王之正改建皇華館嘉慶十四年知縣彭昭麟擴之

復立舊坊志

前山營遊擊署在寨城內嘉慶十四年建既通志 卽都司署舊址

守備署在寨城內嘉慶十四年建既通志 卽縣丞署舊址

千總署在寨城內嘉慶十四年因把總舊署改建既通志

把總一仍舊署一駐關闡志

軍裝庫在寨城內北門既通志

火藥局在寨城西嘉慶十四年建

教場在寨城東門外嘉慶十四年脩演武亭俱同舊在八株

松志

養濟院在南門外神祇壇內原在沙岡墟雍正十三年署縣

舒均遷建今所舒均碑記畧養濟院舊在沙岡墟漱隘卑濕且多倒塌以邑原有額設孤貧口糧乃將舊

香山系三卷下 建置、學校

址幾價另購黃元呂山二頭門一座大堂三間廂房四十四

間乾隆四十三年知縣史易嘉慶二十一年知縣馬德滋各

重脩祝志 原注云張府志養濟院男婦共三十二名口歲支口糧銀兩共一百二十四兩八錢

育嬰堂在西門外原社稷壇內乾隆九年署縣王之正建縱

橫各長十三丈中久圯嘉慶二十四年知縣吳文照脩附近

多估蓋舖屋知縣吳文照委勘附南何大驛附東楊贊章之

屋無礙脩建歲共輸租銀二十兩一錢七分七釐又育嬰堂

學校

學宮在縣治東一里蓮峯之陽宋紹興二十六年建清祐四

年主簿宋之望徙建於城內西南隅濱於濠景定中原注景

景定知縣洪天驥擴之建西齋元世祖至元二十二年明倫

堂圯知縣王天祥重建原注既通志暴志皆作二十四年中

記云尹香山之明年則當爲二十二年 祝志 楊記將仕
郎王公天祥尹香山之明年脩飾學宮重建講堂於法宮之
後堂成誌記於子辭不獲命於是叩之曰公欲記堂之功乎
抑將舍其功而記其所以構堂之意乎公之意吾知之且能
言之請爲公書之石自井田封建之制亡而三代維持之具
惟學校得不廢然亦往往學校之虛名耳世降俗移漫然於
君臣父子昆弟夫婦朋友之間而不知禮義爲何物又其甚
也異端乘之數國因之而國非其國矣昔者先王必致意於
學校者以小雅廢則國祚隨之學校立則綱常明綱常明則
風俗厚風俗厚則吾之國家雖與天地同悠久可也彝倫不
可廢也學校庠序之教非粉飾太平之常典乎然修齊治平
之學又非記誦俗儒之所能也漢唐以來學校非不設也生
徒非不盛也曉曉夜業之業靡非不勤且勞也究其效驗竟
與虛無寂滅之教同歸一謬此尤非學校之罪也蓋學校之
名雖立而彝倫之序不明今之學非古之學也故孝弟立則
孟軻氏以爲可使制梃撻利兵一或反是則雖暗如井日亦
知其有粟不得而食也聖賢之言豈欺我哉然聖人列朋友
於君臣父子夫婦昆弟之後正以講明此四者望於朋友也
三代遠矣井田封建之制不可復矣厚風俗而維國脈者其
維學校之明倫乎泮庠朋友慨然以明倫爲己任則地雖遐
隙而可齊魯時雖師旅而可三代諸君勉乎哉韶石之九齡
日南之姜子安知其不生於今日乎賢尹之意如是而已若
夫梁柱之壯麗廊廡之脩潔垣屏之縝密尹之賜也二三子
之力也登斯堂者自得之 附元至聖加號詔碑上天眷命

皇帝聖旨蓋聞先孔子而聖者非孔子無以明後孔子而聖者非孔子無以法所謂祖述堯舜憲章文武義範百王師表萬世者也朕纂承丕緒敬仰休風循治古之良規舉追封之盛典加號大成至聖文宣王遠使闕里祀以太牢於獻父子之親君臣之義永惟聖教之尊天地之大日月之明奚啻名言之妙尙資神化祥我皇元主者施行 大德十一年七月

倫堂祝志列金石門 泰定三年知縣左祥徙復蓮峯舊址

吳澄碑記廣爲百畝之地三代政化之所不及漢晉而唐俗漸易至宋彌大香山縣最後置其初東莞縣之香山鎮也

紹興王申始陞爲縣距宋七百二十餘年耳而士習亦能與他州相頡頏國朝崇文仍前代之舊文敏所施無遠弗屆而

敘事之隆替亦繫乎治官之能否焉江左祥職翰林院國史十五年泰定乙丑授承直郎廣州路香山縣尹其在院也

予覘其材之能官久矣及既赴官子亦歸田越四年調湖州路經愿以書來言曰祥以菲才叨膺民寄思治之本在乎教

也茲官之初首謁先聖廟直懸治之西卑濕隘陋於廢祀弗稱謀諸同僚擬更諸爽塏再至學俾敘官召集羣儒議咸曰

縣東有文廟舊基上質堅燥山勢拱抱宋末遷於今所遷之後土風頓衰今復舊所爲宜迺與同僚往視其地果如所言

前直學楊仲玉起而言曰廟果遷歟諭高元生願獻社稷礎石已而羣士各備大小村木以供用節糴養士餘資市瓦

甃等泰定丙寅孟秋興役次年春先構大成殿崇三尋有六尺廣倍其崇深視其廣殺四之一仲秋落成大構儀門九闕

丸標其崇常有二尺廣十有三尋深三尋二尺季秋落成推
明倫堂東西廡未完祥既去官亦儲木石屬同僚歸成之至
順壬申冬左尹來過曰香山之舊僚與其教官及邑士營造
明倫堂東西廡已畢其堂十一標中五十有二尺廣七尋有
二尺深三尋有一尺夾室左右各三其崇殺於室三尺其深
如堂其廣五尋有一尺天厯己巳冬構次年春成東西廡七
標各十一室其崇視堂之夾室深亦加之南北之脩七常有
一尋至順辛未冬構次年春成祥仕於嶺海間至三幸免標
曠而香山小邑舊遠廟學於吉地始謀肇出於祥而終成其
事實賴邑僚邑士之力邑長那梅邑令韓文衍邑貳張方毅
黃宏益教諭陳汾湯以禮祭復變郭至邑士之翰林竭心者
楊仰王高元生陳志袁堂中也敢斷先生紀其始末垂示永
久以無忘僚友士夫咸終之勤予請左尹有三善今之居官
者惟私於己何恤於民而尹既優於政及有志於民其善一也
或優於政不暇於教而尹既優於政及有志於民其善二也官
之政教去官則已而尹雖已去官猶不忘在官未竟之事視
官事如家事然其善三也嘗稽郡志宋紹聖間廣守章奕以
郡學在中城西近市喧雜諸生一百五十餘人各致辭請擇
地而徙乃遷於牙城東南隅左尹之遷學也亦自西而東與
三百餘年前章守之遷郡學時異事同章守自作遷學記期
廣俗丕變如齊魯今左尹屬記於子也所望香山之士其亦
如章守之心乎然則廟堂既遷而新矣士習之遷而新者宜
如之何日貢詔頒行具有諷訓爲士者亦惟明經修行焉耳
矣廓志破愚就義舍利存理去欲長善消惡此明經之效也

能孝能弟能慈能睦能忠能信能恥能讓此行修之實也經
不明行不修而徒綴緝程試之文味眩主司之目以櫻科名
苟官祿而已則近負聖朝之恩遠負聖師之教

元末燬於兵

初寧不負邑宰遷廟學以新士習之意也哉

附明洪武立學制碑

廣明洪武三年縣丞仲敬脩復

廣州府香山縣承奉廣武二

指揮該奉廣東等處行中書省御付准尚書禮部咨洪武二

年十月二十五日欽錄到中書省口驗當日左丞相宜國公

欽奉聖旨急省臺部官將侍御史口掾建言事理集議來欽

此又奉聖旨今後立學春秋口要祭祀設科分教禮樂射口

口每定口來欽此會集省臺部官逐一議擬於十月十七日

早朝奉天門奏奉聖旨節該學校合行的勾當致秀才每用

心講究者行欽此欽依會議定擬到各項事理洪武二年十

一月十八日中書省楊右丞陳參政雖參政右司郎黎事禮

部崔尙書奉天門東板房內奏奉聖旨准欽定立罪口口這

格式各處學校都編在石碑上欽此除欽遵外議到后項事

理開列於后 一 生員入學定例 凡各處府州縣責任守

令於民間俊秀及官員子弟選口必須躬親相視人材俊秀

容貌整齊年十五以上已誦語孟四書者方許入學其年

至二十之上縣人學者聽在內監察御史在外按察巡歷到

日逐一相視生員有不成熟者黜退另行添補 上項生員

如果赴中書省并各行省相視誠恐路途不便 一 選官分

科欽授 禮律書共為一科訓導二員掌教禮教律算字於

儒士有學行通曉律令諳習古今典禮書字者 樂射算共

爲一科訓導二員掌教樂教數教射於知百律能射以藝算
法者上項訓導禮樂射書算行作是能一等或兩等皆從
各處守令考取所長括日教訓身終校州學正將教而業
明經史榜使生員日孝悌禮義廉恥通曉古今該達時務
洪武三年八月日有碑在交
廟明倫堂舊址祝志碑金石門
陳連碑記香山爲邑在海區中周週僅七百餘里自昔爲
鎮隸東莞朱羅鎮二十一年始置縣舊有儒學連于縣東
隔宋李潘子西陽九天池中野江左游爲縣尹以其地卑
弗稱復遷縣東陽故址地位爲氣象軒豁誠有賢講道之
所士風也走余然而舊址地爲翰林學士臨川郡公吳澄所爲
記供惟聖朝尊崇儒術學校大興詩書禮樂之教作益海內
香山士學彬彬乎其盛哉昔有加惟廟學則仍其舊以修
邑因陋就簡如地日其不樂王真南田林希哲以明經來典
邑教越明年與縣丞蔡孟堪齊稱休募緣以圖修葺未幾孟
堪去官繼而饒之淳樂馬誠由名進士來爲宰政通人和百
廢俱興其注意教養勵諸之日顯瞻輿慨欲成希哲之志乃
謀諸同僚縣丞陳季清主簿林沂典史葉偉各捐已俸倡諸
好義者香山向饒于戶數惠劉誠百戶周聰等捐邑士民祈
然捐貲來助乃市材起匠徹其費而新之所存者惟廟之舊
柱八莖架二而已築工於宣德二年冬十月至次年春二月
殿堂廊廡始克落成無何歲拜監察御史自時而後閩郡長
樂鄭萬奎由舉人分教是邑亦能以是爲心極修治十邑令
黃新主簿局成復捐俸募緣補其所未治者復門齋舍廳庫

器用竊懼感煥然一新士民驚嘆以爲昔所未有乃其書徵
文紀其興作始末俾後有稽焉子惟學校之設自三代以迄
于今凡有民社者率莫之敢後何也議以政治繫於人材人
材出於學校然士子之學豈在他求惟求吾夫子所以教而
已審如是於經則明於行則修可以厚倫可以善俗將見儒
風大振士類一新俾香山爲海濱鄒魯可也若夫由科貢登
仕版者則思建勲業於明時歎德澤於生民藉名節於邦家
庶上不負朝廷教育之惠下不負諸君子作新之意豈徒務
講誦譯文詞約利祿而已哉是舉也邑令馮誠實始其事而
主簿周成能董後功且其功成出於好義者而不願於民是
皆可書故供記之昔正統五年歲在庚申七月既望 香山
縣知縣黃新縣丞林保主簿周成典史顧貞前荆門州學口
口備學教諭鄒烈訓導鄒萬奎訓導郭定安醫學訓科陳禮
陰陽謝衛口口口口捐貲儒士周志堅楊松陸普老李康福歐
季秀對石 右碑在文廟明 正德五年知縣梁榮易櫺星門
倫室舊地祝志列金石門

柱以石創泮亭脩殿廡堂齋久之復毀於颶風十六年教諭

顏階申請別置講堂於城東北隅申志正統元年提學僉事

彭璠重修一條據正統五年陳連記正在彭璠之後而未嘗

一言及彭璠又謂云鄭萬奎於邑合黃新主簿周成相俸

題助周成正統元年任則正統九年重修止是黃新周成鄭
萬奎等主之與彭璠無涉疑彭璠會撤縣修學如蕭鳴鳳事

舊志述棟以爲彭疏脩也今則不錄而訂其誤如此嘉靖元年御史徐敬建公解於講

堂之北環列學舍郝通七年知縣林士元奉提學副使蕭鳴

鳳檄拓講堂析豐盈倉虛地之半遷建規制甚備二十六年

知縣鄧遷脩黃通志黃佐記皇明文教南揚揚粵嶺區

麓風侵臺蝕日積以比嘉靖初教諭顏君潛講堂城中依

豐山瞰鉅海風氣和萃金謂遷建爲宜庠生楊濱贊贊襄之

歲戊子督學憲副山陰蕭公鳴鳳聞於撫臺按院皆報可乃

檄縣縣尹林君士元拓而營之使義民高純德董其役於是

爲先師廟翼以兩廡又前爲戟門又前爲棧星門左爲儒學

大門中爲甬道西北爲儀門二齋之後爲教諭訓導廨附以

倉庫庖湢甬道之東號舍隨列樽節財費周期告竣林君之

功也越丁未令尹鄧君遷脩尊運故補厥未備堂之後爲饌

堂又後爲啟聖祠詞左爲御製敬一箴亭戟門左右各祠名

宦鄉賢其南孔道誦曲則改而直之前爲照垣東西修三十

五丈有奇深四十丈廣一十六丈有奇訓導胡君禱增廨於

博文齋北教諭張君天敘復於學後福山之楹建亭日鳴皋

尹皆助焉且戲入地稅金俾以時整飭於是制度蓋完規模

宏遠矣堂學事訓導郎君良偕禮謁文爲記會禮遷去及張

君暨訓導龍君納信至始刻諸石夫學之設非徒以解仕爲

也將使盡性明倫進之乎聖賢也聖賢之道心焉而已矣今夫親而父子也義而君臣也別而夫婦也序而長幼信而朋友也本性分之所固有則親爲之諉諸命而心弗盡口而味也目而色也耳鼻而聲臭四肢而安佚也其得與否有命存焉則矻矻朝夕心誠求之何則嗜欲切而理義微人心道心之判也嗜欲切而理義微則道心易爲人心而情其性義理切而嗜欲微則人心易爲道心而性其情心豈有二乎哉惟情其性則日入於不善其有善存焉者鮮矣易曰顏氏之子其殆庶幾乎有不善未嘗不知知之未嘗復行也知譬則目行譬則足目明其所往而足從之是故操乎中庸服膺勿失博約之序也今茲役也遷自郭外建諸城中廓其路闢其門廣其宅特有司修置而已乃若絕厥外驚求諸腔裏以自修置吾邑之士盍勗乎哉進講於堂則速明倫之教退肆於齋則求博約之學斯須少爲嗜欲所勝則性以情蕩倫以物蔽也燕辟驕惰罪之寡也及其夔剗其階志其罪而由義爲路率禮爲門居仁爲宅日視足行一時俟至則酒之父子必誠親焉遠之君臣必誠義焉內之夫婦外之長幼朋友必誠別誠序而且信焉何者人之大德至難克也賓謙唱隨苟得其正則人心易而道心存矣充是道以盡倫則中節之和隨在各足孔顏真樂固在是而堯舜危微精一之訓亦不過是也吾邑之士其尙勗乎哉

縣王好善男邑人言申請提學副使朱燮元遷復蓮峯舊址

志秩官王好善三十三年誤申未竣工知縣羅繼宗捐俸成

之始易像設為木主

張府志續文獻通考明嘉靖九年用大學士張孚敬等籌設禮正祀典撤去

塑像改大成至聖文宣王為至聖先師孔子神位木主高二尺三寸七分闊四寸厚七分座高四寸長七寸厚三寸四分

朱地金書四配神位木主各高一尺五寸闊三寸三分厚五分

分座高四寸長六寸厚二寸八分十哲以下凡門弟子皆止

稱先賢某子神位木主各高一尺四寸闊二寸六分厚五分

座高二寸六分長四寸厚三寸左邱明以下稱先儒某子神位木主各高一尺二寸四分闊二寸三分厚四分

座高二寸六分厚二寸俱赤地黑書阮通志三十六年

知縣蔡善繼建亭於明倫堂後以奉撤像名曰小魯亭申志

詳古國朝康熙十年知縣申良翰重脩大成殿復九曲水

志方雖山陬海澨無地而不建之學所以教民而進士也土者

民之秀傑他日將有治民之責而賢則此日之民之子若弟

也政匪教弗成民匪士弗勸是故賢有司與學博士他務有
所未遑惟此之為亟湫隘則闕之圯廢則葺之使講有堂息
有舍有藏書之闕有經義治事之齋博士及弟子員日相與
討論其間既以養成其材以無忝乎公卿大夫之選而下焉
者亦復知所勸勉不至自棄於罷民然而學必有廟此豈如

浮屠氏之梵宮佛像妄希冥福哉庶幾春秋祀事合樂行禮
國之大事在焉爲士者得以駁奔於几筵俎豆之旁以檢束
其身而和其心亦所以爲教也香山縣儒學舊在蓮峯山下
後徙建豐山之陽人文寢衰萬厯間用形家言復蓮峯舊址
九曲水遠其前土歐陽言毅然以脩復爲已任乃請於邑侯申
故道漸湮博士歐陽言毅然以脩復爲已任乃請於邑侯申
君築堰埭東反瀉之勢決淤疏滯而九曲故道復開又以興
風狂逞大成殿屋瓦飄注兩廡塌星門敗聖官石檻暨周
垣多廢壞各捐俸金復謀於鄉人出還秉帶德用佐鳩工庀
材之費上不虧帑下不病農不踰時而灑注者補塌者整廢
壞者堅緻完密申君與歐陽君其曙於迨士教民之道矣抑
余願有進焉舉事者必先其所急修廟與修學孰急必曰修
學急今士講習游息有地乎尊經閣有藏書乎熙寧三舍之
法行乎安定經義治事之齋立乎不然而玉玉乎廟貌是修
得毋與浮屠氏競誇宮廟之壯麗耶又况丹堊輝煌金碧錯
落且不及浮屠萬分之一也是不然廟貌者先聖賢之神所
憑依苟不足以蔽風雨學士之心必不有怒乎不能自安者事
在創建則先學而後廟時當補葺不妨先廟而後學理有宜
然無足怪者他日修學告成余猶將記之申侯名良翰涇陽
人歐陽君名羽文南雄人王大猷毛天紳鄭光裕繆維斗諸
弟子員則共襄其事者也經

十九年敎諭崔登捷捐修

祝志

始以某日其成也以某日
定周禮國家之治亂每係於學校之盛衰考諸古而可見矣
聖朝文教宏敷山陬海濱無地不建學三十餘年間絳

誦之聲徧天下可不謂盛乎而學博士之官則所以佐學校之盛而國家之治用嘉頓之者則人爲之慎擇其人必卓然足以樹範多士始克膺此任然以余所見則未有若今香庠崔先生之稱最者也先生教香庠於今四年矣初至庠即以振興教化爲亟亟凡所以造士之法不遺餘力乃香學年來風雨傾圮先生尤患之謀所以葺治者適一時兵興餉絀公私交匱未有所出先生慨然曰是余之責也夫爰捐俸及己囊共得三百金有奇遂鳩工庀材大加修飾自啟聖宮大成殿明倫堂以迨東西兩廡總賢名宦二祠儀門棹星門泮池諸處凡爲梁爲宇爲門爲階爲橋爲欄并宜勸聖之者丹漆之者鎔鑄之者舉以法閭不備先聖賢牌位龔墨字久漸塵翳無以肅觀瞻先生感新之字以金誠重之也樞星門外東西舊有兩坊雙峙左右形家言嶺以求氣故香士多級巍科發顯化今坊圮日久是不如昔先生復建之仍舊額一曰三元啟運一曰五星聚奎先生手書字畫遒勁大類歐陽率更其修學也經始於五月初六日以八月初八日落成而昔之瓦敗垣頽今則竹苞松茂矣意以冷暑寒德而能輕財好義如此其賢豈易覯哉香人士咸踴躍稱善以其事暨造士之法上之邑庠邑庠上之督學使與二院僉曰善是宜褒獎且勒碑永誌之香士乃具貞珉欲得余一言以垂後余不佞獲交先生稔知先生持己廉待人厚其造士之法首勵忠孝次敦詩書貧者贖之以貨僈者能之以禮息者鼓之以勇銳者引之以進賢者獎之以成所以佐聖朝學校之盛而國家之治用嘉賴之者未易更僕數其美特詳於修學者

碑專誌也噫以先生之才之德豈久居此者行將歷金門上
王堂直旦暮間事且異日去思碑余當爲先生一一備書之
先生名登徒字爾哲號君臨潮州府澄海縣人總角補色庠
生有文名繼應國學生初
司鐸新會今再任香庠
五十年知縣邱鈗姚炳坤陳
吉相繼脩邑志原注云知縣邱鈗以堂廡將領詳請貯木
殿署縣姚炳坤接任陳應吉踵其後至庚子始告成祝志
云素赫通志五十一而無陳廷綸名通志誤陳記香邑學校之
歷敘邱姚二合而無陳廷綸者蓋以至或爲遷或爲復營繕
設由來舊矣其間闕者補填者葺以至或爲遷或爲復營繕
非一大率舊制樸畧後起者輒踵事而增其率爰自有明萬
厯之代更造於蓮峯之陽迄今百有餘載其中梁棟多因舊
材縱有增易者亦良楛兼收爲日既久漸將傾圮即或補偏
救敝且隨建隨毀欲盡舉而更新之無敢輕爲議者蓋工役
大興糜財動衆天時人事苟有一不協則徒勞而鮮效甚矣絲
造之難也何則在當事者苟不以崇儒術尊聖道爲己任因
循懈怠視之漠然不能望以有爲則留心而始事者難百仁
交錯所費不貲微派恐招物議念題必策應不敷徒手豈能
立事則持籌而足用者難况程材度務出納須人貪詐之輩
乾沒爲虞廉介之操借施或拙所用非才弊不勝言則任受
之得宜者難且勛力非一歲可聚功程非旦夕可畢經營既
久精神易懈勤始不無怠終則歷時而罔倦者難年遠費多
疑訪交集衆口沸騰上憲核查董事者憂讓畏讓或奉身而

退送致功殿於垂成則調停而鼓勵者難夫如是則雖目視
頽散感礙係之而念及於事之難成亦僅躊躇仰屋聽之自
然之數而已前任邱公索治茲邑因謁文廟見夫屋破垣頽
先賢隱處乃與兩學先生及諸紳士定議興復以邑中鴻學
出自巨門遺統不入縣官惟正尚飽勢豪土霸之腹以約千
餘金擬將此項貯爲鳩工庀材之費公舉紳士之素履端方
才優肆應者主其出入經理事諸集而邱合去職番禹尹公
來署縣事不遲之徒思以鳴鳩歸已飾詞控於上憲姚公乃
召顧煥而勸諭之力爲請於開府以鶴卑仍修學宮丁酉春
大成殿香成奉先師入廟然殿廢雖已盡就而儀門明倫堂
諸處尙未觀成累年會計連欠頗衆率屬有名無實上憲又
讓將鴨埠貯爲別項公費董事諸君引嫌避咎成欲謝去余
乃力爲慰留并具文申請待修學告成之日始行另議去歲
之冬儀門明倫堂後先告竣規模大槪約畧可擬雖尙有尊
崇宏壯麗富內所少且於華美之中不離樸素之意四方之
瞻仰者歎觀止焉至是而春欣雜莫周旋有地逆反有所鐘
鼓笙鏞彷彿兩京之盛將見士林興起文章德業流徽宇內
煥耀來茲者固未可量而累年夙夜圖維之心亦可以無負
矣方公聖治光昌教化期洽介胥之士皆得與於頌宮
禮樂之盛第遊其地者或祇見廟庭之美富而未悉緣
之艱難故爲之詳載始未便後之尙論者有所考焉

元年祀於颶風三年知縣余慶錫脩葺

申志 邱令前議以

邱令前議以

東建東西圍牆名宦鄉賢祠博文約禮齋未竣工十年知縣

魯遐齡舒均相繼董成復建尊經閣於大成殿西暴志 楊

山立學始自宋紹興開其後遷徙與廢不當迄於明萬曆三

歲久傾圮諫於費而不修泮林鞠為茂草矣康熙庚寅秋邑

之紳士始謀修復經營數載規模粗就旋墮於颶風至雍正

十年前令魯君遐齡詳請勸支俾租公銀鳩工庀材以繕其

事自夏徂冬殿廡門堂及鄉賢名宦兩祠漸次告成而督令

解任去適舒君均署邑篆因繼其役役成復於大成殿之西

購地建尊經閣於是文廟規制悉然復新舒合四圍釐舉其初

修之始末請余一言以為記嘗聞之天地之性人為貴德煥

安居而無教則無以自貴於萬物先王之典常教以觀養

序刑信導以禮樂防以政刑化剛柔善惡之不齊而悉統於

中民生其間無智賢愚不自莫不欣欣然服從其教以修其

身又以推魯之民可使由而不可使知也故擇其民之秀者

入於成均所業者歌絃舞蹈所習者儀文度數所尚者離經

辨志知類通達既使由之又使知之此士所以貴於民而學

所由重也夫由其所當為而不能自適於性命雖不失為寡

過而識有所闕才有所局無以應用而成務故名之曰凡民

若夫升於學而列於士其通於性命者貴之身心未闕天下之

物者合於性命其學於性命者貴之身心未闕天下之

間無所處而不當故先王之待士者如此其重也上之自待

者亦不輕人才所以日盛風俗所以日清學校立而禮義明
之效也三代以降學校時與時廢所以教士之具雖未能盡
如古制而登進選用之途大率皆用士人則其待士之異於
凡民亦猶行古之道也而風會日下士習逾卑資稔奔競日
利忘義雖其文采才華有以表異於衆而考其居心制行實
與市井不異間有忠孝廉節之事往往出於農夫俗子深閨
弱女目不覩詩書耳不聞禮教率性而行計不反顧反足以
愧夫士之游談無根言與行相背馳者是豈學校無關於人
才抑古今果不相及歟沉溺於詞章記誦牽引於紛華嗜好
徒讀聖賢之書未嘗反求諸身以考驗於日用行事之實蓋
非不知之過而不由之過也 國家化民成俗廣勵師儒興
賢造士之典遠追三代而上文教豈訖無遠弗屆香山之士
子沐浴 聖朝之化既深平日講明切究無不知孝弟忠
信禮義廉恥之爲美矣茲者文廟落成舒君率學中之子弟
行釋菜之禮因告以踐習服行之要俾知所以自貴於物而
不同於凡民終身由之而不知其能人才之日進於古也何
難之有舒君有師帥之責盡心化導以要其成他日政績之
可書更有大於修學宮者余故樂爲之記而拭目以觀後效
焉是役也始於雍正癸丑初夏成於乙卯閏四月都計費用
一千八百金有奇大半出於埠租邑令紳士所捐助者居其
三之一董其事者邑之選士黃 乾隆三十三年知縣楊楚枝
時霖何彥升楊式南劉峻也

倡建曝書臺於櫺星門外五十五年知縣許敦元改崇聖祠

爲明倫堂原明倫堂改崇聖祠

按祝志云祠內今存明正統五年陳連修學碑一座嘉靖

五年諭內閣輔臣碑御製敬一箴碑注范氏心箴碑程子箴箴言箴勳箴碑注共六座俱入金石門今將陳連諸碑改注於上復將諸碑附錄於後敬一箴有序夫敬者存其心而不忽之謂也元后敬則不失天下諸侯敬則不失其國卿大夫敬則不失其家士庶人敬則不失其身禹曰后克艱厥后臣克艱厥臣五子之歌有云予臨兆民如朽索之馭六馬爲人上者奈何不敬其推廣敬之一言可謂明矣一昔統平理而無雜之謂也伊尹曰德惟一動罔不吉德二三動罔不固其推廣之一言可謂明矣蓋位爲元后受天付託承天嘏命作萬方之君一言一動一政一令實理亂安危之所繫若此心忽而不敬則此德豈能純而不雜哉故必兢兢畏慎於郊禋之時儼神明之鑒享發政臨民講莊戒謹惟恐拂於人情至於獨處之時思我之咎何如改之不吝思我之德何如勉而不懈凡諸事至物來究夫至理惟敬是持惟一是協所以盡爲天子之職庶不忝厥祖厥視由是九族親之黎民懷之仁澤覃及於四海矣朕以冲人繼承丕緒自諒德惟寡昧勉而行之欲盡持敬之功以馴致乎一德其先務又在虛心寡慾驅除邪逸信任耆德爲之匡輔敦求善人布列庶位斯可行純王之道以坐致太平雍熙之至治也朕因讀書而有得焉乃述此以自勸云人有此心萬理咸具體而行之惟德是探撒焉一焉所當先務匪一弗純匪敬弗聚元后奉天長此萬夫發政施仁期保鴻圖敬忘純駁應驗頓殊徵諸天

人如鼓合梓朕荷天眷爲民之主德或不類以爲大懼惟敬
惟一執之甚固畏天勸民不違存處日敬維何怠荒必除郊
剛恭誠竊殿孝趨肅于明庭慎于閭居省躬察咎儆戒無虞
日一維何純平天理弗參以三弗聚以二行顯其言終如其
始靜慮無欲日新不已聖賢法言備見諸經我其究之擇善
必精左右輔弼費乎忠貞我其任之鑒別必明斯之謂一斯
之謂敬君德既修萬邦則正天親民懷永延厥慶光前垂後
一國敦或渝以保祿位以完其軀古有盤銘曰接心誓湯敬
日躋一德受命朕爲斯箴拳拳希聖庶幾湯孫底于嘉靖嘉
堵五年六月二十一日 范浚心箴 范范軍與俯仰無垠
人於其間眇然有身是身之微太倉稊米參爲三才日性心
耳往古來今孰無此心心爲形役乃豨乃禽惟口耳目手足
動靜投間抵隙爲厥心病一心之微衆欲攻之其與存者鳴
呼幾希君子存誠克念克敬天君泰然百體從令 璣與是
指天地說無垠是無有界限宋儒范氏浚作心箴說道茫茫
然天地廣大無有界限而人居其中便似太倉中一粒粟米
天地這般大人身這般小人與天地參爲三才有非以形體
而言惟其心耳蓋心爲一身之主吾心克正則百體四肢莫
不聽其使令若心有一毫不正則被聲色所移物欲所攻便
動與理反豈不於人道遠哉故范氏之作箴雖是常言西山
真氏特錄於大學衍義之中以獻時君宋君雖未能體察而
爲後世牛其致意也深其用功也至是予所嘉慕而味念之
箴之作本於范非真西山發揚其孰能之哉嗚呼念哉 程

子聽候 人有秉彝本乎天性知誘物化迷亡其正卓彼先
覺知止有定閑邪存誠非禮勿聽 此程子言聽之要說道
視聽乃爲出言之機一或有差患必至矣前言視之未善也目
言聽之既善耳聽者須盡其善可也耳目之間視聽之際均爲
要焉若聽之不審則無以知其是非故聽言之際當分別其
邪正勿使甘佞之言從入其心既受之必爲誘惑書云聽
德惟聰卽此意也蓋人生之於天其耳目口鼻之體口之與
鼻無所禁者惟耳目爲重故以視聽爲戒朕諭之曰口與鼻
之無所禁乃彼知之自然也耳目之於視聽乃彼之不能先
覺者也如口之嗜味知其甘辛酸苦嘗之自能別也鼻之嗅
物知其好惡嗅之自能擇也目之於色則愛其黝麗耳之於
聲則愛其音律殊不知黝麗音律皆人爲之也所以反受其
害口鼻之覺故賢之於耳目也故程氏箴云卓彼先覺知止
有定謂既能卓然先覺則自有定向而人君之聽尤當審辨
之也書云無稽之言勿聽又云庶頑諷說震驚朕師此皆聽
德之要也人君於聽納之間當辨其忠謬而已忠言逆耳近
於違我謙言可信近於遜我我不能審擇其忠豈淺淺哉但使
吾心泰定不爲詭佞之徒以惑則所納者未必不可所屏者
未必不當惟吾心審辨之而已嗚呼審之 程子言箴人
心之物因言以宣發禁疎妄內斯靜專矧是樞機與戎出好
吉凶榮辱惟其所召爲易則誣傷煩則支已肆物作也悖來
違非法不道欲該訓辭 樞機者譬戶之軸弩之牙也戎是
兵戎好是嘉好程子之意說凡人所言必謹其妄出輕發如

弩之發失度而思之務求其中焉言易則至於狂誕言煩則不免於支離非聖賢之法言不敢道之於口所以告來世之君子也朕因而論之曰凡人所言必求其合諸道理準諸經傳然後可以爲言也夫言以文身也書云惟口起羞大學云言悖而出者亦悖而入孝經云非先王之法言不敢道斯之謂也人之於言必加謹焉而人君之言尤當謹之先儒云王言如怒其出如綸王言如綸其出如綽人君之發號施令皆一言也合出之善則四海從焉一或不善則四海違焉故凡出一言發一令皆當合於天理之公付諸人情之所向背若或徒用己之聰明恃其尊大肆意信口不諱事理之得失民情之好惡小則違當時之患大則致千百年之禍可不戒畏之哉程氏之作法其用心也至矣嗚呼謹之 程子動箴 哲人知幾誠之於思志士勵行守之於爲順理明裕從欲惟危造次克念戰兢自持習與性成聖賢同歸 哲人是明哲之人志士是有德行之士誠是念之實守是行之篤理即天理欲即人慾程子說凡人所動作使不可輕舉妄動當審事機可否之如何天理人慾之所在思其事之巨細爲其所當爲然後動與道合無有墜失狂躁之病戰兢惕厲如此者惟哲人乃能之君子可不謹之哉朕因而論曰凡人所當動當求合乎道理察其當爲與所不當爲精別而行之可也而入君之所動爲尤重焉蓋君者以一身而宰萬事不可適己之欲與夫聽信讒佞或恃中國之強而好征伐或盤遊無度而殘虐百姓凡此類者不可枚舉姑就其大者言之舉動之間上違天意下拂民心而敗亡之禍隨之是非可不畏懼也哉

程氏之箴其用心也至矣嗚呼畏之斯四箴者作之在於
程頤以斯四箴而致其君者乃吾精臣張璠也頤之作箴其
見道之深如此而動與禮合宜朕未之言君子必知矣夫今璠
以此言而告朕與夫昔講禮之侍正可謂允蹈之哉朕因聞
于學特因是而註釋其義于以嘉德之忠愛予以示君子之
人嗚呼箴之功宜不在程氏而在于德也哉用錄此于未云
爾嘉靖丁亥歲季冬越三日聖諭碑聖諭內閣輔臣楊
一清謝遷張璠翟鑾朕因十三日聽講官顧鼎臣解說心箴
連日味思其意甚為正心之助昨自寫一篇并假為注釋與
卿等看嘉靖六年十一月十八日大學士臣張璠謹奏是
月小至日伏承賜內閣范濂心箴註一通臣稽首對揚乃竊
嘆曰至哉聖人之用心乎漢董仲舒有言人君所為必求其
端於天今陰極陽生實君子道長小人道消之時也在易之
卦為復曰復其見天地之心乎自非聖人心學得之天其能
體悉發明如此臣愚竊有感焉臣昔讀書山舍嘗揭范濂心
箴及程頤四箴以白屬蓋人心之微衆欲攻之者多自視聽
言動而入程頤四箴實養心之大目也况人君一心萬化之
主而視聽言動尤當加詳焉者也臣於御注心箴敬摹宸翰
付工刻石傳之天下萬世謹從錄呈頤四箴乞留神省覽
聖諭輔臣張璠午間得卿錄來視聽言動四箴朕甚喜悅朕
前日因聽講官講心箴同宮深加愛尚欲釋其義不能欲已
之心未放過只勉強注略仍咨於卿等欲為藻潤以成所作
卿何便付工刻石豈不取人笑乎朕自念上荷天命為人君
長當務學以致其知待粗有領會之時再註四箴須賴卿贊

之故論嘉靖六年十一月二十二日 臣張璠謹奏昨者伏

承聖諭仰見皇上稽熙聖學之至也宋儒朱熹有言自古聖

賢相傳只是理會一箇心臣切謂范浚心箴舉其綱程頤四

箴列其目相爲發明者也臣以此用功餘三十年莫之有得

今聖明啟發一至于此真首者之日月蓋者之雷遠也臣何

能贊一辭第當刻石頒布以覺斯世以廣聖學之傳耳然而

人見之莫不曰真聖人復生非特堯舜之治見於天下而堯

舜心法之秘道統之傳因有在矣程頤固能尚願聖明啟示

謹當再摹宸翰與心箴註並行刻布以爲斯民斯道之幸

聖諭輔臣張璠前日所錄來程氏西箴時勉強解註朕復

思之程氏見道分明謹敬如此以教後人其功至矣但於濶

議之中未免力爭耶說詭君奪子故朕又速數語於未云與

卿先濶濶行當然後書示內閣嘉靖六年十一月二十六日

臣張璠謹奏伏承諭示御註程頤四箴臣仰惟大哉皇言

皆根諸身心達諸政事真見帝王之學與儒生大不同者也

何能復贊一辭但未加獎愚臣實不勝惶懼臣竊自念所務

之學雖不遠程頤而所遇之主薄爲過之願在英宗朝代彭

思永爲濶濶論猶未定况皇上親統與英宗繼嗣實大不同

使願居今之世讓今之禮豈復守濶濶之說哉謹將御註四

箴與范浚心箴通摹宸翰並行刻布以嘉惠天下後世 聖

諭輔臣楊一清謝遷張璠翟璠翟璠翟璠翟璠翟璠翟璠翟璠

作視聽言動四箴來告朕深切有益於學朕讀已旬日敏述

數語權爲註解用錄出以示卿等嘉靖六年十二月初三日

臣楊一清臣謝遷臣張璠臣翟璠謹題皇上所註范氏心

學校

篋程氏照視聽言動四箴俱已刻石乞勅工部於翰林院後
堂空地蓋亭暨立以垂永久仍勅禮部通行兩京國子監并
南北直隸十三省提學官摹刻於府州縣學使天下人士服
膺聖訓有所興起荷蒙采納但亭宜有名伏乞聖明勅定頒
示內外一體遵行臣等又仰思皇上前所著敬一箴發明心
學甚爲親切宜與前五箴并傳合令工部將敬一箴重刻一
通設于亭中五箴并節奉聖諭共六通分刻左右以成一
之制其於風口良有神益謹題請旨 嘉靖七年二月二十
二日奉勅旨卿等所言都依擬行 燕居亭開正門遷忠義孝
亭名與做敬一禮工二部知道

弟祠節孝祠於泮池側易曝書臺以照牆嘉慶十九年知縣

馬德滋脩復曝書臺遷忠義孝弟祠節孝祠復故址東向土

地祠改西向燕居亭塞正門由約禮齋旁入移泮池西便門

位庚志同治十三年邑紳黃棟梁等重脩燕居亭復開正門

東甬道中建屋三楹西甬道中增築一牆門曰遵道而行採訪

冊今制大成殿居中七間內深四丈六尺廣五丈五寸外石

前爲露臺深一丈九尺五寸廣三丈八尺一寸翼以兩廡廡上下各建樂器祭

學使歲科兩試每試額取文章十六名入縣學歲試取
八人為武生

按舊志舊額每試取二十人康熙二十八年減八人
雍正三年復增四人

文章初人學者為附生無定額增廣生二十人廩膳生
二十人歲貢生兩年一人以年深廩膳生充拔貢生十
二年一人恩貢生遇恩貢充其次廩為歲貢

頒發貯存書籍

御製訓飭士子文

上諭一道

上諭二本

上諭一函

臥碑一道

二十一史全部

駁呂留良講義八本

學政全書一本

御纂周易折中二部

御纂書經傳說二部

御纂詩經傳說二部

御纂春秋傳說二部

御纂朱子全書二部

御纂性理精義二部

欽定四書講義二部

御纂日知薈說二函

十三經全部

明史書籍一百二十本

上諭十本

文廟春秋樂章一本

欽定四書文二部

學政全書八本

通鑑綱目一部

御撰資治通鑑綱目三編一部

乾隆四十一年
敕本府

上諭騰黃一道

上諭清漢字各一本

續增學政全書二部

東游集卷之二
捕挖蝗蝻章程四本

磨勘條例一本

續增條例二本

續增捕挖蝗蝻章程二本

欽定鄉會墨選四部

科場條例二本

御纂三禮義疏一百二十九本

御選唐宋詩醇二部

學政全書二部

科場續增條例一本

磨勘則例一

詩書折中二函

春秋直解一函

御纂周易述義二函

南巡盛典四十八本

樂善堂全集二部

孫氏西位東嚮先儒東廡周輔成程珦蔡元定西嚮西廡張
迪宗松東嚮均北上禮通咸豐七年祀孟皮於崇聖祠位顏無

絲之上

冊

文廟每歲二八月上丁日致祭前期二日至犧牲所省牲承
祭分獻各官致齋二日用白紙糊版墨書祝文送至文廟
神庫前察上安設一跪三叩頭退前一日承祭官具朝服上
香監視宰牲并瘞毛血正祭日分獻陪祀各官入兩旁門序
立贊引官導承祭官至盥洗處盥手畢引至台階下立典儀
唱樂舞生就位執事官各司其事分獻官隨後立典儀唱迎神
引官贊就位承祭官就位立分獻官贊跪叩興承祭官陪
唱與迎神樂奏成平之章樂作贊引官贊跪叩興承祭官陪
祀官分獻官俱行三跪九叩頭禮興樂止典儀唱奠帛行初
獻禮唱舉初獻樂奏率平之章樂作贊引官贊跪叩興承祭
官由東階上進殿左門贊引官贊跪叩興承祭官行一跪一叩頭
承祭官至案前立贊引官贊跪叩興承祭官行一跪一叩頭
禮興贊引官贊奠帛捧帛官捧帛跪進承祭官受帛拱舉立
獻畢贊引官贊獻爵執爵官捧爵跪進承祭官受爵拱舉立
詣讀祝位立讀祝官至祝案前一跪三叩頭捧祝版立於案
左樂止贊引官贊跪承祭官讀祝官分獻官陪祀官各官俱
跪贊引官贊讀祝讀祝官讀畢捧祝版至正位前案上跪

手系云

卷六

建置

學校

三

安帛匣內三叩頭退樂作贊引官贊詣復聖顏子位前承祭官及各官行
三叩頭禮與贊引官贊詣復聖顏子位前承祭官執案前
立贊引官贊跪叩與承祭官一跪一叩頭與贊引官贊奠帛
捧帛官跪進於案左承祭官受帛拱舉立獻案上贊引官贊
獻爵執爵官跪進於案左承祭官受爵拱舉立獻案上行一
跪一叩頭禮與贊詣宗聖曾子位前述聖子思子
位前亞聖孟子位前獻爵獻帛如前儀其十二哲分獻
官陞壇奠帛獻爵俱照承祭官行禮兩廡分獻官亦照承祭
官行禮畢贊引官贊復位承祭官分獻官各復位立樂止典
儀唱行亞獻禮唱舉亞獻樂奏安平之章樂作贊引官贊陞
壇獻爵於左如初獻儀贊引官贊復位承祭官分獻官各
復位立樂止典儀唱行終獻禮唱舉終獻樂奏景平之章樂
作贊引官贊陞壇獻爵於右如亞獻儀贊引官贊復位承
祭官分獻官各復位立樂止典儀唱飲福受胙贊引官贊詣
受福胙位承祭官至殿內立捧酒胙官二員捧酒胙至正
案前拱舉至飲福胙位右旁跪接福胙官二員在左旁跪贊
引官贊跪承祭官跪贊飲福酒承祭官受胙拱舉授胙官
贊受胙承祭官受胙拱舉授胙官贊引官贊叩與承祭官
三叩頭與贊復位承祭官復位立次行謝福胙禮贊引官贊
跪叩與承祭官分獻官及陪祀各官俱行三跪九叩頭禮與
典儀唱徹饌唱舉徹饌樂奏咸平之章樂作贊引官贊跪叩與承祭官分獻
陪祀各官俱行三跪九叩頭禮與樂止典儀唱捧祀帛各
恭詣燎位捧祝官捧帛官至各位前一跪三叩頭捧起祝文

在前帛次之據僕官職不叩頭捧起在後俱送至燎位承祭
官退至西旁立候祝帛饌過仍復位立典僕唱望燎位與望
燎樂綴樂作贊引官贊詣望燎位導承祭官至燎位立祝
帛焚訖贊禮官贊禮畢退部頌祝文惟先師德隆千聖道
冠百王揭日月以常行自生民所未有屬文教昌明之會正
禮和樂節之時辟雍鐘鼓惟格薦於馨香泮水膠庠益至嚴
於蓬豆茲當仲春秋祗率彝章肅展微忱聿陳祀典以復
聖顏子宗聖會子述聖子思子亞聖孟子配尚饗
樂章迎神樂奏咸平之章無舞大哉至聖道德尊
崇維持王化斯民是宗典祀有常精純並隆神其來格於昭
聖容初獻樂奏寧平之章有舞自生民來誰底其盛
惟思神明度越前聖案帛具成禮容斯稱黍稷非馨惟神之
聽亞獻樂奏安平之章有舞大哉聖師實天生德昭格
樂以崇時祀無數清醑惟馨嘉牲孔碩薦羞神明庶幾昭格
三獻樂奏景平之章有舞百王宗師生民物軌瞻之
洋洋神其甯止酌彼金罍惟清且旨登獻惟三於禮成禮
徹饌樂成咸平之章儀象在前豆邊在列以享以薦既芳
既潔禮成樂備人神和悅祭則受福率遵無越祀事威儀
神樂奏咸平之章有嚴學宮四方來崇樂宮祀事威儀
樂飲茲惟馨神馭還復明禋斯舉咸膺百福望燎同新
樂乾隆八年部頒大哉孔子先覺先知與天地參萬世之
師祥徵麟紱韻答金絲日月既揭乾坤清夷初獻樂新樂
章平之章于懷明德玉振金聲生民未有展也大成俎豆
千古春秋上下清酒既載其香始升有舞亞獻樂安平

之章式禮莫愆升堂再獻響協鼓鏞成孚晏獻肅肅雍雍
譽髦斯彥禮陶樂淑相觀而善有舞終獻樂景平之章
自古在昔先民有作皮弁祭菜於論思樂惟天屬民惟聖
時若舜倫攸敘至今木鐸有舞微饌樂成卒之章先
師有言祭則受福四海贊宮時敢不肅禮成告徹毋疏毋瀆
樂所自生中原有菽無舞送神樂咸平之章鳧釋菴
菴洙泗洋洋景行行止流澤無疆肆昭祀事祀事孔明化我
豎民育我膠庠無舞正殿陳設祭品帛一白色牛一羊
一豕一登一劔二簋二盞十豆十罇一白磁爵三
配陳設祭品帛四白色羊一豕一劔一簋二盞二遠八豆八
罇一白磁爵三十哲東位陳設祭品帛一白色豕一劔各
一簋各一盞各一遠各四豆各四豕首一白磁爵三西位
祭品同東廡陳設祭品帛一白色豕三每案簋一盞一遠
四豆四銅爵各一西廡祭品同祭祀經費例支銀六十九
兩五錢八分一釐在存留地丁項下編支
崇聖祠每歲春秋仲月上丁日致祭正祭日具朝服贊引官
承祭官入後殿左門至盥洗處盥手舉典儀唱執事官各司
其事贊引官贊就位承祭官就位立典儀唱迎神贊引官
贊跪叩興承祭官行三跪九叩頭禮典儀唱奠帛行初獻
禮贊引官贊陞壇承祭官入殿左門贊引官贊詣肇聖
王位前承祭官詣位前立贊引官贊跪承祭官行一跪一叩
頭禮贊引官贊奠帛捧帛官跪進承祭官受帛拱舉立獻
畢贊引官贊執事官跪進承祭官受爵拱舉立獻畢行一跪一
叩頭禮贊引官贊詣裕聖王位前伏詣詣聖王

聖王 啟聖王位前奠帛獻爵如前儀贊引官贊詣讀祝位

承祭官詣讀祝位立讀祝官至祝文案前一跪三叩頭捧祝

版立於案 贊引官贊跪承祭官讀祝官俱跪贊引官贊讀

祝讀祝官讀畢捧祝版跪安案上帛匣內三叩頭退贊引官

贊叩與承祭官行三叩頭禮贊引官贊跪承祭官贊詣

前承祭官詣位立贊引官贊跪承祭官贊詣 先賢顏氏位

與贊奠帛捧帛官跪進承祭官受帛拱舉立獻畢贊獻爵執

爵官跪進承祭官受爵拱舉立獻畢行一跪一叩頭禮與贊

引官贊詣 先賢曾氏位前次詣 先賢孔氏 先賢孟孫

氏位前奠帛獻爵如前儀畢贊引官贊復位承祭官復位立

典儀唱行亞獻禮贊爵於左如初獻儀典儀唱行終獻禮贊

爵於右如亞獻儀典儀唱微饌唱送 神贊引官贊跪叩與

承祭官行三跪九叩頭禮與典儀唱捧祝帛各恭詣壇位

捧祝帛官至位前一跪三叩頭捧祝帛起捧爵官跪叩捧爵

起依次送至壇位承祭官退至兩旁立候祝帛過仍復位立

典儀唱望極贊引官贊詣望燎位承祭官至燎位立焚祝帛

贊引官贊禮畢退 詔頌祝文惟 王奕禴禴祥光開聖慈

盛德之後積久福昌凡聖教所覃敷悉循源而溯本宜肅明

禋之典用申守土之忱茲屆仲春秋肆修祀事醜以 先賢

顏氏 先賢曾氏 先賢孔氏 先賢孟氏尚饗 祭品

正位陳設五案每位禮神制帛一白色白磁爵三羊一豕一

銅二簋二盃二蓬八豆八酒罇一 配位陳設每位一案禮

神制帛二白色豕首一豕肉一每位銅爵三盃一蓬四

豆四酒罇一 兩廡陳設禮神制帛二白色每位銅爵三盃

香山縣志 卷六 建置 學校

一簋一盞四豆四豕肉一酒樽一祭祀經費
即在正祭項內 謹案會典文廟爲中祀

書院

豐山書院在縣治東文昌廟左纂原東門鐵城義學地 祝志

往云鐵城義學原在南門雍正三年改建於東門卽千戶所
地址仍名鐵城義學乾隆十三年知縣張汝霖修十五年知
縣暴煜增修易今名若康熙三十一年孔衍梅所建者南門
鐵城義學也暴志云豐山書院康熙三十一年署縣孔衍梅
建誤孔衍琦
乾隆十一年知縣張汝霖修建講堂曰居敬齋
記見古蹟門
修建齋舍廊房 張汝霖記 余既蒞事之越月詢地方利病卽
名勲業甲州郡以水環學宮故自圖利者據作背勢邇來邑
文運接不如前亦唯水時意頗然之爲倡衆修復既得邑先
正黃秦泉先生集議之抑何其典瞻淵博考證精詳也則又
以爲如先生者雖敬由川之助以其學問文章猶顯且遇人
患不能如先生耳况今之水爲方復前明故道時哉乃一意
欲鼓勵多士以學邑故有義學在南門內扶其於誘掖獎勵
之道且聞如謀所以擴之勞皆民居魚鱗比不可得無已則
於文昌宮旁書院舊址而經營焉局既定又閱月乃始得節
省其祿入量捐爲衆倡始紳士亦靡然風從猶不足則酌以
所貯優免銀徒之銀乾隆八年備修鎖院費而中止寄碑之

項也濟矣以屬邑土揚世鐸蓋其役前構講堂五楹堂旁
以學舍其後爲掌教齋廡凡六間左右廊房翼之計爲周得
廿有二計所費合用二百八十七兩有奇不爲丹碧以昭其
儉不爲飛革以取其堅經始於乾隆十一年臘月以越年之
二月落成得十二間廬田四頃六十餘畝撥爲師生膏火之
資又得方監生銓所捐房屋變價爲工築齒田費自是以來
學者影隨雲集合兩課者三百二十餘人每當公餘夜靜絃
誦聲發響應倒耳東風未嘗不爲之躊躇志滿及閱所課文
亦漸斐然可觀矣斯非所謂盛者機耶噫當其擘畫旁皇經
營莫措之時固不謂其可今日及夫綿力一唱義風四應剛
公頂助捐悉田並紛紜走集以赴事機之會此雖謂邑之氣
運善而就迷哉學宮一水爲之効靈致然固無不可然亦愈
以知人之有志者事竟成資於人者業已有然學於己者其
可不勉嗟平父兄之於子弟也則亦愛之至矣愛之至則所
以爲之區畫貽謀者固不遺餘力矣而或則克延其緒或且
能大其家其不一再傳兩父若祖之所遺留蕩然無復存者
亦所在多有此則子弟之材智習尚使然自今以往其念清
淑之鳩凝步先哲之芳軌使人耳目之日某也良士某也
名臣則果從義學中來者也余於學與有榮施矣是在諸生
若其隨行逐隊舍業而嬉則俸文運之將亨儻前賢之規模
亦在諸生而已諸生宜何去而何從也僉曰謹受教願相與
磨石請紀以俟將來余故爲原本其山川之美以表揚前哲
之風俾令有所望以趨而於經營措置顛末言之尤不厭其
詳者又欲使知夫所以成此之難則學於斯者當何如自勵

以無負區區之志也。是爲記。祝志。十三年知縣暴煜復脩改名豐山書院。

記古者家有塾黨有庠術有序所以使民正業親師達就於學以期其遠且大者故無論事之大小莫不立學事至重而真至備也香之豐山書院故鐵城義學也舊址在南門迤近市塵歛溢騫塵非絃誦所且其旁民居鱗比又不可得而曠充前令張公慨然振興移建東門文昌宮旁既以就地間曠而又取形勢之利意甚盛也未幾張公陞任去余奉調來香朝望往焉見其規模整新喟然曰微張公不及此矣既又思茲邑之大誦讀者之多而適當振作之際聞風雲集實繁有徒規地未廣恐不足以容諸生乃謀式廓焉而資未有所措也亡幾何土紳來告余曰邑之義學邑人願增修焉請俟爲倡余曰是吾志也首相俸五十金紳士踴躍咸樂輸助不踰月得數百金至是而事可舉矣遂以邑貢生方君增董其事先購東側隙地建舍二十間以居肄業者起南北二亭南曰鑑亭北曰尋樂齋燈亭前鑿池栽卉兩旁各建廊房以爲游息之所嗣購學前民居拓其基宇創修講堂五間顏曰毓秀堂先是張公建有居敬齋三楹延師講學於中而奉宋五子於齋後旁舍余既建有講堂遂移奉宋五子於正齋所振興也而於齋前堂後建三楹仍其名曰居敬不忘前輩所振興也復廣覓旁地多置齋舍集諸生而教育之其垣墉戶竊有仍舊者有創新者經營既備又爲壽齋大之資得沙田二頃洋明入學與原有田七頃餘歲收其租以充經費擇紳士之有品學者以經理之易其名曰豐山書院以其地爲邑治豐

山舊址也圖始於戊辰冬至己巳春畢事其費之不足者別於余取盈焉是役也余初有志而未逮也邑紳民勇於義不吝於財而方若綜理周密既任事所計畫無遺矣故前後賴其力居多而余亦私喜志之克有成也乃選諸生而告之曰爾亦知命之爲此者乎彈財力勞思慮非以爲名也將使諸生樂羣敬業切磋嚴擇盡心畢力於學以期於遠且大俾品行文藝卓然有以樹立則庶乎古者立學之意而異日之名臣辭儒於是焉出可不謂盛耶夫斯邑自前代以來人賢輩與學問事功大有可觀匪徒科第甲郡邑自前代以來人賢輩諸生而有志也文獻不遠亦可以觀感而興矣自今而往其或旅進放退僅循故事德不加修而業不加進則是諸生自棄也合不得而知也若能不自菲薄相與有成令之願也於是記其類未於石衡後之賢侯更有以作興而鼓舞之以仰副我國家菁莪棧樸之化則斯書院之爲功於斯邑者詎小補哉

祝志

立條約十則

一立志二立誠三立品四正學五明經六攻史學七屏外務八戒虛聲九正

文體十習書

嘉慶十九年

知縣馬德滋倡捐購民房闢頭門

原由文昌宮大門內東折入至

是書院頭門始建於衢

頭門內爲龍門講堂三間前

爲東西齋蔽以牆西偏房二講堂後大堂三間內廳三間各

翼以廊後五子堂三間東彰義祠

道光十六年邑紳重脩

每間增高八尺有奇龍門易木爲石採訪冊

欖山書院在小欖藍田坊暴志乾隆十四年知縣暴煜率鄉人

何紹禹等捐建初乾隆五年知縣李景厚倡建於大欖寶蓮

坊未成後改建今所祝志云是志乾隆五年即建於藍田坊未悉嘉慶九年知縣

金毓奇阮通志作彭昭麟誤倡脩祝志二十年知縣馬德滋捐廉倡設膏

火祝志

鰲山書院在大黃圃鄉乾隆十九年知縣彭科倡建阮通志府志

作十六年建

旗山書院在小黃圃鄉阮通志在黃梁都斗門墟誤乾隆十九年知縣彭

科倡建祝志

桂山書院在平嵐鄉乾隆二十一年知縣彭科倡建張府志乾

隆己巳鄉人鄧天保等脩阮通志

東山書院原在雍陌鄉乾隆二十一年知縣彭科倡建阮通志

嘉慶四年知縣堯茂德率紳士黃紹庭等遷建於東堡阮通志道

光間爲颶風所圯同治六年董事鄭集良黃贊良等修復阮通志

冊

鳳池書院在翠微鄉乾隆二十二年知縣彭科倡建張府志嘉

慶二十一年阮通志作二十三年誤知縣馬德滋脩復阮通志

鳳山書院在前山寨乾隆二十二年知縣彭科倡建阮通志同

治八年重脩採訪冊

金山書院在下柵墟乾隆二十二年知縣彭科倡建嘉慶二

十一年知縣馬德滋重脩阮通志彭科九書院阮通志今夫書

建於一邑之中而書院不妨廣爲之創立庶四鄉之有志於

學者得以就近肄業而無負笈之勞則有其舉之必籌畫以

善其後此正有司之責有不容已者焉香山舊有豐樓二山

書院外此或阻山界水向

往者往往不能至而陶成或猶有

建置學校

毛

所限是以編豐樓而起者曰麓山曰旗山曰桂山曰東山曰鳳池曰鳳山曰金山六七年來皆次第舉行絃誦之聲循於四野而延師課士之規視豐樓以爲準荷歟盛哉願余之所慮者事每不難於創之勞而難於仍之之久邑中人士其因乎地之近而肆於豐樓間及散布於麓旗諸學者主席之脩脯幾何修葺之所需幾何余壽之至熱而又不欲以議捐議置重勞我矜耆士庶也適有內沙池有請入官者凡若干頃因斟酌以分撥於各書院中俾有所藉而脩脯於此出脩葺於此需于以勵風俗育人材仰體上官右文之意以上答

是舉也爲各書院善後之圖而未嘗爲立石惟將所割田畝之數備書條例於豐山首建之區而各書院之所需皆以此而確可也至於主是席者或仿白鹿洞之遺規或如胡安定之設教先器識而後文藝余固不敢越俎而爲之贊云

龍山書院舊在龍眼都坑口墟乾隆二十三年知縣魯楷倡建五十八年知縣彭翥遷建豪兔鄉側楊汝任有記同治七年

重脩增建奎閣於右側採訪冊

雲衢書院在南萌墟西北嘉慶十三年四大兩都人公建阮

志
馬德滋
有記
祝志

悅山書院在黃角鄉

阮通志作甯山誤
舊名月山書院

嘉慶二十一年知縣

馬德滋倡脩易今名

馬德滋有
記 阮志

潭山書院在潭洲嘉慶二十年鄉人建

同上

三山書院

阮志云
原名甯山

在三竈春花園嘉慶二十三年鄉人周

廷安等倡建

阮志

景行書院在古鎮岡南里乾隆九年里人蔡朝選等倡建

阮志

澄瀾書院在黃梁都土城外左側道光二年黃梁司巡檢張

國棟倡紳士捐建

天衢書院在黃梁都龍歸寺前道光三年黃梁司巡檢張國

棟倡紳士捐建

古鎮社學在古鎮鄉乾隆五十一年鄉人捐建

麥子淳
有記

嘉慶

二十三年修舊名南明書院距今址左側數十武明代建

黃梁都鄉學在土城內乾隆二十八年建

崑山社學在海州鶴山南舊在大崑山南乾隆四十三年庠生袁揚等遷建今所

曹溪社學在曹步鄉

梯雲義學在小欖鄉東溪道光七年鄉人建俱同上

佑賢書院在小欖青雲里道光九年倡建二十三年重修採訪

冊

潭洲義學在潭洲新基咸豐二年鄉紳謝琛等倡建謝琛有記

鳳岡鄉學在黃梁都咸豐八年鄉紳建

卓山書院在大涌大嵐兩鄉間同治元年鄉紳林德泉倡建

萃華書塾在邢洲東塾同治三年邱容蔡唐梁陳貢盧八姓

人同建

煙洲書院在長洲鄉同治十二年鄉紳黃虞臣等建

毓秀書院在大都石門鄉同治十三年鄉紳甘雨化等合石門等鄉九堡同建

欖江義學在莆山鄉欖邊墟同治十二年鄉紳簡夢熊等建
東翹義學在小隱鄉礪下環光緒七年鄉紳林應棠等建
同上

社學三 大館 東隅 蓮峯 阮道志 按社學三處今廢

壇廟

社稷壇在龍王廟左側 祝舊在西門外石岐山下壇方二丈

五尺周圍三十丈石主高二尺五寸北向明成化間知縣朱

顯改門南入年久壇圯嘉靖二十四年知縣鄧遷重建石壇

設香案 申後圯 國朝雍正十年奉文建復 暴乾隆五十四

年知縣彭翥遷建今所祝嘉慶五年知縣許敦元重修採訪

冊

阮通志云知縣許敦元遷於龍王廟側按乾隆五十四年知縣彭翥初建龍王廟於南壕口壇之建卽在此時非至許敦元而始遷也阮志誤

社稷壇每歲春秋仲月上戊日設主於壇殊漆書曰香山縣

社神香山縣稷神承祭官率各官衣朝衣行二跪六叩禮三

獻同讀祝一叩祭品帛一黑一白磁爵三羊一豕一雞二

遷四豆四簋二簋二二神同獻例支祭品銀十八兩五錢八

分三釐部頒祝文惟神奠安九土粒食萬邦分五色以

表封圻首三農而蕃稼穡恭承守土肅展明禋時屆仲春仲

秋敬修祀典庶芘芑松柏發磐石於無疆翼翼黍苗佐神會

於不匱尙饗謹案

會典社稷壇爲大祀

風雲雷雨山川壇在南門外東林山下周圍二十八丈明成

化間知縣朱顯建年久壇圯嘉靖二十六年知縣鄧遷重建

石壇設香案圍牆各十三丈有奇南爲神道東南爲門樓又

東爲省牲所申志後圯國朝康熙五十四年阮通志作邑人

重脩久復圯雍正十年奉文脩復嘉慶二十一年知縣馬

重脩久復圯雍正十年奉文脩復嘉慶二十一年知縣馬

重脩久復圯雍正十年奉文脩復嘉慶二十一年知縣馬

重脩久復圯雍正十年奉文脩復嘉慶二十一年知縣馬

德滋脩祀通 易名神祇壇志

志

風雲雷雨山川城隍共一壇每歲春秋仲月致祭安設風雲雷雨之神居中境內山川之神居左城隍之神居右風雲雷雨之神居山川之神居二城隍神第一陳設禮儀與社稷壇同經者在祀稷壇經費內均支部頒祝文惟神贊襄天澤顯沛蒼黎佐靈化以流形生成永賴乘氣機而鼓盪溫肅攸宜殄穰高深長保安貞之吉憑依鞏固實資捍禦之功寺民禘之股盭仰神明之庇護恭修歲祀正值良辰敬潔豆進祇陳牲帛尙饗謹案會典神祇壇為中祀

厲壇在北門外嶺麓山下阮通志作插笏山枝壇如度周圍

二十三丈年久壇圯明嘉靖二十六年知縣鄧遷重建石壇

設香案及拜壇共三成後圯歲祭於其地暴志云今未修復

厲壇每歲清明日七月望日十月朔日祭無祀鬼神於本城之北郊稱色厲用羊三豕三飯米三十香燭酒紙隨用祭

時祭告城隍之神例支祭祀經費銀十四兩八錢三釐在存留項下動支部頒告城隍文欽奉皇帝聖旨普天之

下率土之上無不有人無不有鬼人鬼之道幽明雖殊其理則一今國家治民事神已有定例尙念冥冥之中無祀鬼神

昔為生民未知何故而設其間有遺兵刃而橫傷者有死於水火盜賊者有被人強奪妻妾而忿死者有被人掠取財物

而逼死者有誤遣刑罰而屈死者有天災流行而疫死者有
為猛虎毒蟲所害者有飢寒交迫而死者有因戩鬪而殞身
者有因危急而自縊者有因燔屋傾頽而壓死者有死後而
無子孫者此等鬼神或終於前代或沒於近世或兵戈擾攘
流移於他鄉或人煙斷絕久缺其祭祀姓名混沒於一時祀
典無聞而不載此等孤魂死無所依特魂未散結為陰靈或
倚草附木或為妖作怪悲號於星月之下呻吟於風雨之中
凡遇人間令節魂杳杳以無歸意懸懸而望祭與言及此皆
其慘悽故勅天下有司依期致祭命本處城隍以主此祭鎮
按壇場鑿察諸神等類其中有良善誤遭刑禍死於無辜者
神當達於所司使之還生中國永享太平之福如有素為兇
頑身逃刑憲雖獲善終亦出僥倖者神當達於所司屏諸四
夷善惡昭報神必無私除欽奉外台就燧移城隍獄神弔出
獄幽以享祭典久遠遵行謹案會典厲壇為羣祀

先農壇在蓮峯左雍正五年動項建高二尺一寸寬二丈五
尺正殿三間中安木主東貯祭器農具西貯藉田穀配房東

置辦祭器西看守農民居住

志

先農壇每歲仲春亥日祭紅牌金字旗寫先農神牌於壇承
祭官率所屬俱於前期致齋二日祭日各官俱穿朝服一切
禮儀陳設供品悉照社稷壇之例行祭祀經費在藉田穀價
動支五兩九錢三分九釐耕藉祭壇畢各官俱換蟒袍補

服正印自秉耒佐貳執青箱播種行耕時用耆老一人率牛
農夫二人扶犁俱照九鄉之例九推九返農夫終畝耕畢各
官率耆老農夫望闕三跪九叩首農具俱用赤色牛用黑
色箱用青色所盛籽種用土宜藉田四畝九分穀十八石
三斗部頒祀文惟神輦與稼穡粒我蒸民頌思文之德
克配彼天念率育之功陳常時夏茲當東作咸服先疇欽維
九五之尊歲舉三推之典恭膺守土敢忘勞民謹奉儀章
率修祀事惟願五風十雨嘉祥恒沐於神庶庶幾九穗雙
岐上瑞類書於大有尙鑿
謹按會典先農壇爲中祀

城隍廟在縣治左

申志

宋紹興間建

祝志

明洪武元年縣丞

冲敬

復建成化間知縣朱顯修

嘉靖二十年知縣鄒驗重建

祝志

萬曆二十七年知縣孟習孔耆民周鎮

云申

志秩官嘉靖十九年鄒驗免此恐有誤

等修

申志

曹啟益記香山縣城隍廟肇自宋紹興與城郭

而國者屹然金湯神之庇居多焉歲久棟宇圯蝕廟制墮然

邑申功令振風猷諸所翺革歲次策經畧圖之而屬邑耆民

周鎮郭宗顏周延鄭綱楊維揚文倫六人請日廟之欲一新

也數矣而竟以時誦見尼意者神之默有待也非俟曷克舉

之侯既已得是請則朔望詣廟願瞻與嘆曰安靈迓庶務執

事丁系三

事丁系三

建置

壇廟

三

三

事丁系三

建置

壇廟

三

三

事丁系三

建置

壇廟

三

三

事丁系三

建置

壇廟

三

三

有先於是乎夫令之與神歧幽明而兩之誠風馬牛不相入
至於彰瘳取應使一方之民知所懼而不抵於罰則又若交
相待爲理也矧金簡錫而平成格山川秩而百度熙精誠感
格之機驗如左券斯廟制之未恢也則所司者誠愧之矣乃
置印簿分給鎮等徧題邑緝紳士民義助計得銀壹百柒拾
餘兩不足俟捐彙裝資之於日僞工以歲呈試飭百執事前
爲鐘鼓樓上下二楹輪奐奕奕次爲儀門香亭翼以兩廡闔
檻甬道焚以文石又次爲中堂後爲大殿皆易腐以堅屏廠
爲麗仍故址而式廓焉咸陞聖像加飾莊嚴遷六曹位於兩
廊建夫人祠於西側隸人士女分列東西大門左右塑神馬
二力士二經始於萬曆丁酉年十一月越戊戌年七月而告
成夫經國之準不以彌文侈費則制隆秩祀之典不以非神
微福則禮協非此道也雖極土木之華無所用之是舉也財
不出於公帑役不妨農作功享其成衆不稱厲人胥和矣廟
貌佺佺衆觀濟濟風氣以定望厚攸萃神斯歆矣歲時伏臘
報祀祈禳海氣不入頌德謳吟德馨廣矣語曰有其舉之莫
可廢也有其廢之莫可舉也噫由是觀之雖千百世且廟食
無間焉疇得而易之首事六人以修廢爲己任可謂勤事尺
計寸估巨細靡遺可謂節費不給則指置禱之可謂綜理勤
事義也節用儉也綜理敬也一舉而三善備焉遷伐元石列
其姓氏繫以年月以志重建之所始時萬曆二十七年歲次
己亥正月孟春吉日立石碑在治東城隍廟觀志列金石門

國朝康熙十八年知縣卞三魁修

卞三魁有記內載黃生捐黃屋沙鴨埠以供樽

相需
祝志

四十九年署縣陳廷綸倡里民重修

景志
柴企震

邑爲天子撫育蒸黎福流敬澤惟令之功贊襄亭毒保合大和禦災而捍患繫城隍之力陰陽雖異厥職維均與茶重哉吾邑城隍距縣治數十武仁山聚秀岐水紆迴間氣所鍾特著靈異邑人士晨夕莊奉推謹歷年數百木石朽盡舖舍近逼廟門派隘尤甚前尹力謀鼎建計費弗給而止庚寅夏杪仁化陳侯攝理邑篆周視庭宇太息低徊者久之居無何耆老以修廟請侯曰是吾志也夫琳宮梵宇猶且盛雕鏤窮藻繪登筵簞而不解矧澤被遠賦功參造化神之爲靈昭昭也豈敢後諸遂捐作爲借一時給紳士夫以逮農工商賈委巷深閭靡不傾積貯奉金錢折舞巨囊罔問遐邇乃鳩工庀材首建大門理復侵地次儀門次中堂規模宏敞視昔有加既而邱侯踵建捐資助役累土築基後庭日益高峻西有堂以祠夫人於東獨缺制頗弗稱後買民居建東堂奉勾芒之祀重繪列像丰采儼然衣冠奕奕有生色始於康熙庚寅八月至癸巳越四載而告成殿宇轟雲飛臺麗日階廣以平垣堅以密煌煌乎一邑之壯觀矣夫固有常祀雖華而非以爲侈也民有常尊雖費而非以爲勞也廟制之興與邑治並重廟兩新之靈以妥焉神以格焉志故享祀牲於酒醴蓮豆靜嘉九閭之上必有結銅章懸絳簡驂雲而至者陰以操彭蠡之權而陽以佐有司之政教所不逮俾邑人士咸澡浴其身齋誠其志遷善遠過而神降之福風雨節寒暑時氣裒全消災沓不作大化之行其何盡之與有是役也天啟其衷人協

其應不煩公帑不費農時宏締造於千秋廣前規所未備營
省而堅役均而節惟諸父老倡之亦惟諸父老成之其經營
仗助左提而右挈者爾侯力也爰述其始終紀其歲月乾隆
勤之貞珉以垂永久使後之君子得有所考焉是爲記

四十一年知縣楊椿修嘉慶十三年知縣彭昭麟修買右側

市肆拓門外地鄭應元記吾邑重建城隍廟成邑侯彭君屬

而後致力於神則民和而神降之福侯之甫莅斯土也洋匪

鴟張民心騰沸侯奮厥武蛟鱗遠徙善後有經乃審要隘則

建礮樓臺水榭分形角立翼翼鱗鱗民工旣鳩民心無恐

於是仰答神麻鼎新斯宇程始於嘉慶戊辰年三月告成於

是年十二月有基勿壞大美斯彰觀深庫銘瓊璋喬皇侯乃

假廟用牲苾苾受福乃昌言於衆曰惟神聰明正直福善禍

淫爾無耽逸樂逸樂則思淫如是者禍爾其服勤勞勤勞則思

善如是者福爾衆惶悚受命而退大哉侯言神實鑒之矣攻
事爾室之神難衆惶悚受命而退大哉侯言神實鑒之矣攻
內心之盜忠信爲甲冑禮義爲干櫓動如雷電發如風雨以
此攻心何淫不克事爾室之神洗心以肅密潔齊以相見不
顯亦臨無射亦保以此事心何善不集侯以弭盜之心爲成
民之事卽以覺民之道爲事神之經行見人敦良善俗鮮於
淫水旱不災疫癘不作於靖海疆而受帝祉諸福之末正
未有艾而神之廟食於我邑者亦且綿綿延延與天地無終
極爰書侯語用勒貞珉俾後之覽者咸知禍福之宗神明之

與備橋乎不敢從匪彝以取罷戾是區區之志也夫至是廟之擊造代有踵修自宋迄今增其式廟前記已備茲不復贅彭君名昭諱四川雙流縣人由教官考長教諭以捕盜擢知縣任今官尋以平定首匪功舉直隸州知州勇於除害能急先務云嘉慶十五年庚午孟冬

一在香山場鹽場官建

官橋長沙墟稅及庵田一頃零

供香 一在大概飛驛山下前崇禎十七年建 國朝康熙五

十七年何聖強脩乾隆三十三年何宗榮脩嘉慶二十四年

鄉人脩

祝志 講家會典 城隍廟爲詳記

文昌廟在縣治東北巔山上舊學址既通志萬曆四十二年知

縣但啟元教諭魯惟增創建大堂中門門樓各三間崇禎十

七年知縣顧其言遷像於西門外西山蔡侯祠 國朝順治

四年知縣劉起鳳教諭王威玉奉像復舊廟申志雍正元年邑

人何聖強倡修余慶錫有記嘉慶四年知縣許乃來重修二十一

年知縣馬德滋建奎樓於堂後建崇先祠於廟左塞豐山書

院旁門建儀門志咸豐八年邑紳黃棟梁劉汝湘等倡捐重

修改儀門爲戟門奎樓增高三尺同治五年爲颶風所圮六

年修復

採訪

文昌廟每歲二月初三八月十八日致祭承祭官三獻俱行
三跪九叩頭禮祭品帛一牛一羊一豕一豉一劍一蓮十
豆十後殿祭品帛各一蓮豆各八承祭官行二跪六叩頭禮
餘同前殿祭祀經費例支銀二十六兩六錢六分七釐在地
丁項下動支部頒祝文維神績著兩垣樞環北極六匡
麗曜協昌運之光華崇茲屈仲春秋用昭時祭尙其欽格鑒
感召薦馨宜致其尊崇茲屆仲春秋用昭時祭尙其欽格鑒
此精虔尙饗祭後殿部頒祝文祭引先河之義禮崇反本
之思矧夫世德彌光延賞所及祥鐘累代燭列宿之精蓋化
被千秋緯人文之主宰是尊後殿用答前麻茲值仲春秋肅
將時事用申告潔神其格尙饗經費卽在正祭
項內 議案會典文昌廟爲羣祀咸豐六年升中祀

關帝廟一在迎恩街武山下明嘉靖二十八年香山所千百

戶建一在教場演武亭舊址

案卽今沙岡墟

國朝康熙元年邑人

建

雍正元年

既通志作五年

奉三代殿於廟後

志

嘉慶十一年邑

人鄭敏達脩

阮通志

道光

年重脩改頭門爲戟門咸豐八年

邑紳倡捐重脩光緒元年邑紳黃棟梁等重脩一在張家邊

鄉太平塾臺前咸豐四年馬培基等建一在古鶴村外咸豐

六年鄭文鐸等建

採訪冊

闕帝廟每歲春秋仲月上戊日致祭祭日贊引官引承祭官

進左旁門至盥洗所盥洗畢引至殿內行禮處立與儀唱執

事各司其事贊引官贊就位承祭官贊就位立與儀唱迎神

司香承祭官上炷香於爐左贊引官引承祭官至爐前立贊上

香承祭官立贊引官贊跪叩與承祭官行三跪九叩頭禮與

祭官復位立贊引官贊跪叩與承祭官行三跪九叩頭禮與

典儀唱奠帛行初獻禮捧帛官跪獻畢行三叩頭禮退執爵

官立獻爵於案上正中退讀祝官至祝案前一跪三叩頭捧

祝文立贊引官贊跪承祭官讀祝官俱跪贊引官贊讀祝讀

祝官讀畢與捧至案前跪安帛匣上三叩頭退贊引官贊叩

與承祭官行三叩頭禮與儀唱行終獻禮扶爵官獻爵如亞獻

初獻儀獻於案左退與儀唱行終獻禮扶爵官獻爵如亞獻

儀獻於案右與儀唱送神贊引官贊跪叩與承祭官行三

跪九叩頭禮與典儀唱捧祝帛恭詣燎爐捧祝帛官至

位前一跪三叩頭捧祝帛起司香官跪捧祝帛承祭官避立西

旁俟祝帛過仍復位立贊引官贊詣燎位承祭官至燎所

建

壇廟

建

建

建

建

建

建

建

建

建

建

建

建

祝帛焚半贊引官贊禮畢各退 郡領祝文推 神浩氣凌
香丹心貫日扶正統而彰信義威振九州完大節以篤忠貞
名高三國神明如在徧祠宇於良區靈應丕昭薦馨香於歷
代屢徵異蹟顯佑羣生恭值嘉辰遵行祀典筵陳粢豆几奠
牲醪尚饗 祭品陳設禮神制帛一白色白磁爵三牛一羊
一豕一果品五酒一鐸祭祀經費例支銀六十兩在地丁項
下動支 祭後殿二跪六叩禮餘儀同 祀頒祝文維 公
世澤貽庶靈源積慶德能昌後篤生神武之英善則歸親宜
享尊崇之報列上公之封爵錫命優隆稽三代以肇禮典章
明備恭逢諱吉祇事薦馨 祭品陳設帛一白色豕各一羊
各一連豆各八經費在正祭項內 謹案

文武二帝廟一在小攬鄉一在荔山村一在長洲鄉

同上

天妃廟一在官船廠備倭官船灣泊之所正德中千戶盛紹

德建後廢嘉慶二十四年指揮田輒阮通志重建申志 國朝

康熙四十八年邱鈺重脩乾隆二十四年重脩阮通志五十年

脩何辨嘉慶九年脩李遐齡有祝志同治十三年脩採訪一在大

攬鄉明崇禎三年韓起龍建採訪冊伍瑞隆重建大攬天

道以近人而尊益敬而遠之知者之說也而在人則欲其遠
鬼神在鬼神則欲其近人大都神一而神之情狀百其近於
人者不言而信不法而恭不撫摩而禳祿請之治世福神如
我抄靈昭應天妃其於人惟恐不近而人之近之者亦惟恐
其或遠之矣天妃木莆田之湄州人都巡簡林愿第六女母
王氏夢觀音大士授優鉢墨花食之孕十四月生妃時地變
紫色異香聞海上空中作簫鼓聲時宋開寶元年三月二十
三日妃幼而神異甫周歲在提抱見諸神像輒叉手作拜狀
五歲能誦普門品經十一歲能婆娑技節以崇神知人間休
咎然以衣冠族不欲有此聲於外間有就妃者亦了無所應
輒晦而已兄囚人業商往來海上忽一日妃手足若有所失
瞑目數瞬父母以為暴風之症急呼之妃醒而嘆曰何所使
我得全骨肉乎父母不察其意亦不之問遠兄歸哭言前三
日海風大作兄弟各異船莫有所負忽見一女子狀如妹牽
五兩而行飛渡若平地三人俱得安獨長兄船無幸五兩
者是時見彼女子若有人連之去船竟沒也父母始知妃之
瞑目乃出神教其兄其不得教者呼之疾也湄州故在海
上既既有道術每凌行島嶼問或乘雲往來人皆見之忽於雍
熙四年丁亥二月十九日端坐而化年止二十是後往往見
在大海中衣朱衣擁幢幡五采而遊里中人因祠之洲上兩
陽禱輒應尤喜司孕嗣婦人有未育者咸於此祈而得之宜
和癸卯於橋安流以濟使高麗中流遺風八舟七覆獨濟廟
舟妃降於橋安流以濟使高麗中流遺風八舟七覆獨濟廟
號紹興己卯江口海寇無起妃駕風一掃而去其年疫絕降

季山原區一長下
建置
陳廟

於白湧去潮尺許擢坎涌泉飲者輒愈慶元戊午朝廷調舟
平大奚冠妃見於空中忽起大霧此明彼暗冠悉滅開禧丙
寅虜逼淮南妃擁旗機助戰而國解甯民故艱於食會是月
朔風疾旬南舟不得往食窘於妃即日反風南舟至焉景
定幸西巨冠泊祠下麟妃不允羣肆侮慢醉卧廊廡問妃縱
火焚賊賊駭而出出則風沙盡時各跨淺而敗有司以奏聞
因累封助順等號國朝永樂間中貴甘泉鄭和奉使暹羅西
洋諸國有所禱亦如宋路給事尤迪故幸成祖文皇帝始詔
修祠己丑加今銜護國庇民妙靈昭應弘仁普濟天妃賜廟
京師自是遣官致祭定以爲常一日有一夷國率衆駕四巨
舟來迎化身將至國神舟遂沒舟人見舟覆時神飛出水上
朱衣象笏北指而去其三舟驚惶不已稽首請命徐以免神
舟覆處忽涌出巨山以藏其化身今夷海猶有天妃山云此
皆祀從前異跡百千中之一二與閩境相接而妃之靈爽
又每駕海島而行故粵不論負者賤者貧者富者舟者陸者
莫不香火妃而妃亦遂愛之如其手足吾所居之里四面皆
大海出必以舟亦爲其山澤之藪羣盜乘以出沒而妃之相
之者纖悉不遺故其間或官或士或農或商或往或來有於
海上遇危難者擊匍匐號泣呼妃來則有火光從空而下
止於壻無橋止於舟之背或其槳柁衆乃起鳴金伐鼓而迎
之須臾舟定火將往衆又起鳴金伐鼓而送之諸如此類嶺
南人在在可掇大與尋常飾說鬼神者不同人言父之鞠子
見之呼母以爲情所必急不知此猶有限於勢不若妃之知
響應所樹廟觀在市廛之上二百年來未有擴其宇者

仰副 聖主親民作士之意或且有豸于尹茲東郊
之儀式矣乎諗之曰之舉也肇議於國子教習汪思
週嘉論于國子監生黃安復獎藉于建昌通判王應
文作成于前知縣萬紹熙捐輸于議敘山西渾源州
吏目周鵬飛奉其祖母周陳氏之命制爲塔五級級
六方門六高一十一丈周六丈六尺上雕甍下甃石
外飛檐內砌堊其下爲書院中講堂左右書室各五
楹厨溜各一後東西各三楹苑一落周圍以垣臺視
其垣維其前爲真武行祠舊址維新厥名爲視家磯
回龍山嗟乎東人之听然共樂乎此也非一人一時

之爲矣前令之殷然肇造乎此也非一手一足之烈也邑三面皆江江自蜀走萬里挾湘漢彭蠡之滙砥石鍾山激砥闕齒洞涌汭瀟馬當之奔洪鼉石之激湍一瀉無餘其何能邑允若茲浮圖迥出影捍江身形疾山骨會一邑之才人秀士讀書其中呻唵不絕于寒暑游息不間于朝昏吾知傑出自人靈轉乎地東之山弱而水強者行且先迂而後勁塔之云乎書院之流澤孔長矣明年乙亥取邑弟子之秀而有文者延師課之又念書院之設用資膏火爰置田租懼其不足而中荒也邑東梅林山爾以開執闢地若干

畝歲可息百金余以其地之在官也讞之成案請于郡爲官產定其所入給付書院爲需爲東人士持久計以與此塔相周旋溥領旣成乃條其始末以記之如此

秀峯書院在秀峰塔前乾隆四十二年邑職員金城建前立門坊中爲講堂左右正齋各二東西四廂樓翼之又進爲正廳左右正房廂房並如前數又進爲方亭週以兩廊最後爲庖湍五間今廢

附公儀

慶賀儀

凡遇元旦冬至

萬壽節俱於前一日朝服習禮儀至本日黎明各官俱至

上諭亭立鳴鼓三通鼓畢糾儀官進文武官俱進以次進至丹陛下糾儀官贊班衆官排班班齊文武分東西俱行三跪九叩禮興退班

詔書開讀儀

凡遇

詔書至文武官具龍亭綵輿儀仗鼓樂出郊迎接齋奉生下馬捧

金花廟在東門外

同上

相傳廣州金氏女少爲巫姿容極美時

稱爲金花小娘後沒於湖數日浮屍不壞有異香里人斂之

爲立祠祈嗣輒應成化五年巡撫陳濂稱爲金花普主惠福

夫人立廟湖旁今里名仙湖以此也後提學魏公校毀淫祠

其祠與焉土人於珠海隔江枕流復祀之相傳四月十七降

辰

李瑄明一
齋山房集

按阮通志云南粵神祠不列祀典者頗多如悅城龍
媪見於太平寰宇記輿地紀勝諸書由來已久金花
之祀以被無子於古高禱爲近皆未可略

禾穀夫人廟或云后稷之母姜嫄也今香山村落皆祀之

志

在基邊村

暴志

三元廟在懷德里吳相公廟在三元廟右宋末人殉端宗難

邑人於葬所立廟

康熙十三年海寇攻城嘗顯靈護救

七仙廟在鳳山左主帥

廟在月山陰南陽廟三山廟俱在蘇洲街新廟在澳門蓮峯

山

同上 祝志云邑多淫祀舊志所載如七仙三山等廟誕甚茲姑存舊文云云今仍其例凡採訪冊所載概不增入

劉猛將軍廟在

萬壽宮左側道光間知縣陸孫鼎將更衣

所改建

採訪冊

神能驅蝗元亡自沈於河雍正二年奉旨祀

猛將軍元指揮劉承忠於各府州縣

會典 大清

但侯祠在翠微鄉西萬厯乙卯邑人建祀知縣但啟元久圯

故址尚存

採訪冊 但侯德政碑記粵東以南濱海而遙爲香山縣治稱嶺海巖邑第土瘠人稀民疲財困勞

心撫字而哀鴻遍野伏莽盈眸令其邑者實難但侯以洪都名士奉命來莅茲土甫下車卽問民疾苦恤民孤寡堅持清

白所措事業有古遺愛風禁蠶耗而寬秋夏之征輸飭營哨而免水陸之抽掠濟雨而兩應天格其誠折獄而獄息人服

其公其問善政難一一舉又東南一帶枕控滄溟大海民間責海爲鹽一時利之國初設立鹽場竈排二十戶竈甲數十

戶分爲上下二攝詳令築燭教鹽上以供國課下以通民用年來滄桑屢變斥鹵盡變禾田而課額永維消豁竈民有一

口而勻納一丁二丁以至三四丁者有故絕而懸其丁於戶
長排年者卽青矜隸名士籍而不免輸將斯民供設艱於查
貧由是多易子折骨逃散四方避亡軍伍瑣尾流離靡所不
至侯備得此狀逆慨然以對不救焚爲己任退而手自會計
將陞科糧銀四十五兩有奇通議於上官以抵補丁課因得
豁免九十七丁寔民成舉手加額曰此非賢父母吾民更生
無日矣窮鄉地鄰夷與奸商蓄集有市人誤殞奸商從僕奸
商不咎市人謂民之家殷者株連至數十輩侯一切申豁惟
以市人抵償奸商由是斂迹又夷人慄悍不馴常生事擾我
邊疆侯無不底循有道築閘嚴守令一方安堵一時誦侯德
政口碑載道矣指日雙鳧諸閘計必調羹鼎鑪斯民恐難借
寇故建祠紀績以志何武之思余愧不文第因郭生之請不
可以辭爰敘其梗概以爲侯志侯諱啟元號五廬江西南康
星子人乙酉鄉進士也 賜進士第文林郎四川道監察御
史鄰治生潘洪撰交 萬曆四十年歲次乙卯仲秋吉旦
東治生郭尚賓書丹 萬曆四十年歲次乙卯仲秋吉旦
鹽場廬排二十八戶同敬立 按碑在翠微鄉
三山廟側祝志列金石門云在鳳池書院誤

王巡撫廟祀巡撫王來任

詳紀

一在小欖雍正六年建

祝一

在長洲鄉嘉慶十五年黃耀廷建道光二十九年重修

採訪

一在龍眼都坑口墟乾隆十五年建

祝咸豐二年重修一在

隆都西河橋側

採訪冊

一在黃角額曰遺愛祠餘沿海各鄉或

祀於鄉學或附祀各廟或並祀總督李率泰

祝志

月山古廟在黃角鄉宋咸清間建祀天后旁祀義士柯懋德

等十九人皆康熙五年拒賊死者

同上

原注云十九人柯懋德麥耀武李用張昭陳

勳何廣黃興羅帶蘇長何祺許礎麥衛溫蔭林茂洪開蔡達雷德洪昭謝生

名宦祠

詳學宮

祀宋縣令姚孝資梁益謙洪天驥元縣尹王天

祥程慶祖左祥張執樂溫明縣丞冲敬知縣周頤縣丞彭豫

知縣蔡惟溥馮誠教諭林希哲訓導鄭萬奎知縣朱顯訓導

周振知縣楊昂訓導邱嶸教諭顏階知縣林士元黃正色鄧

遷周行

國朝知縣張令憲姚啟聖副將白色先凡二十六

人

明通判陳某

國朝巡撫三來任

朱宏祥

總督孔毓珣

墳

楊宗仁楊文乾邑人並祀之祝志按今並祀總督

鄉賢祠

詳學宮

祀漢陳臨唐鄭愚宋梁杞陳天覺阮與子馬南

寶明鄭榮叟徐伯良楊餘蔭容悌與黃瑜鄭鴻黃鎰黃經黃

繼黃佐郭紹鸞郭尙敬何述忠何述瓚鄭士熙毛可珍李孫

宸繆士傑鄭一岳 國朝繆志和凡二十六人

宋祝志祇云凡二十六人

詳列傳今補

光緒元年增祀林謙七年增祀楊紹孫楊仲玉凡二

十九人

縣冊

忠義孝弟祠

詳學宮

節孝祠

詳學宮

阮通志云忠義孝弟祠節孝祠俱雍正元年

志孝誤作義又學校門云雍正三年建壇廟門云雍正元年

建彼此互異

名宦祠鄉賢祠忠義孝弟祠節孝祠俱同丁日致祭儀同兩

廡祭忠義孝弟祠文維雲稟賦貞純躬行篤實忠誠奮發

貫金石而不渝義昭宣昭表鄉閭而共式祿事懋彝倫之大

性摯義蒿克恭念天顯之親情殷棣萼棣棣推夫懿德繪恩特闢其幽光祠宇維隆歲時式祀用陳尊筮來格几筵尚饗 祭節孝祠文維靈純心皎潔令德柔嘉矢志完貞全

香山錄卷六

建壇壇廟

望

有上鼎示身
閩中之亮節竭誠致敬彰表內之芳型茹冰蘖而彌堅清操
自躬奉盤匭而匪懈篤孝傳徽 絲綸特沛手殊恩祠宇昭
垂於令典祇循歲
祀式薦尊膠尙饗

蕭烈女祠在大欖村祀明蕭思敬女

阮通志

集

彰義祠在豐山書院左祀劉母羅氏乾隆間知縣暴煜建

嘉慶二十一年重修始闢頭門

原在書院內

阮志

道光十六年縣人

復脩

採訪冊

阮志云後人增祀羅婆於節孝祠妄改爲節義祠祀典無此名宜更正

白公祠在黃梁都乾霧村康熙四十年建祀署縣白章

阮志

遺愛祠在大黃圃鰲山書院左乾隆五十二年建祀知縣彭

科嘉慶間以知縣彭昭麟同祀

鄉義祠在大黃圃汎行嘉慶十四年建祀難死何定熬等四

十八人

原注云四十八人何定熬劉協乾王定呂吳宇聚王亮能周應龍蘇定呂吳結華葉玉麟梁南大羅佩王

注全榮汪喜高劉元咸王芳南工詩蘇蘇珠履何朝滿黃阿官王興朝梁阿牛馮彩石何瓊華黃亢生林應恒潘

志能李茂賢李初安吳阿靈黃甫壽餘不得姓名同治九年

者十七人俱以禦海寇死俱同上按詳紀事

遷建海岳廟右增祀黎凱超等十九人慶梁配周陳占輝范

信昭關教茂曹鳳劉壁池梁來福王岐周何超遠何植華何

連珠張威揚揚兵威黃恒遜黃立昇馮彩榮吳世全俱以禦

海寇死採訪冊

義勇祠在大欖駝峯之陽嘉慶十五年建祀難死蕭世泰等

七人阿生以禦海寇死何其英託畧義勇祠為七人建也

嘉慶十四年海盜郭婆帶張保等糾眾數萬人船數百艘深

入內地大肆焚掠時太平日久民不知兵一旦事起倉卒罔

知為計聞風皆鳥獸散莫敢有撓其鋒者番禺順德香山新

會等縣地面村莊數十同時皆被蹂躪殺其慘六月二十

六日賊首郭婆帶領賊數千取船五十七隻突至我鄉之西

南第九嘴嶼盡滅舉大張聲勢越日遣人日取進奉鄉人執

其使送官因聚眾拒賊賊怒於二十九日晨刻登岸分四路

而入其三路地勢偏仄拒之不得進惟懸東一路岸側有地

可容數百人賊遂登之鼓噪欲進遠望大礮當路未敢遠前

因選勇壯數人手持刀牌滾至礮前礮未及旋被奪而去眾

乃大恐勢將潰散蓋世泰等七人振臂呼日事亟矣進則有

功退則必死汝等可隨我來毋自餒也遂奮身先進眾繼之

呼聲動天地自辰至午殺賊其夥賊眾捕卻青世秦追之直抵河岸後援未及至賊逼眾圍之遂被殲陸朝盛怒甚率眾繼進格鬪移時陸以布纏頭帶賊聞布脫落掩目曰此何時也眾負之還棄已腹破腸出眾塚之而泣陸怒曰此何時也爾等尚作兒女子態耶我已殺過當爾等敗賊正在此刻妻子至前無一語及家事惟以手揮眾曰殺去勿恐言訖而卒衆心益奮千人齊進礮石迅發驟如風雨賊遂披靡返舟揚帆而遁賊去後計點我衆蓋陸外伍阿生被礮子擊斃梁允能黎朝陞吳阿喜林阿九皆於搏戰時受傷殞命七人首先捍忠同時死事鄉人義之恤其家各以百金立祠祀焉先是賊勢張甚當事者皆爲束手自我攬敗賊後四鄉居民知賊易與方敢團勇擊賊賊所至被擊勢遂窮蹙因而乞降沿海地方胥歸甯謫然我攬之所以能勝賊者賞賴此七人有以先作其氣功亦偉矣時予在秦中未及目睹東歸詢悉顛末恐其事之久而就湮也乃爲

之勒石以誌

按詳紀事

義烈祠在鎮南鄉

即檢

嘉慶二十三年建祀難死鄧煥章等

六十六人

原注云鄧煥章譚興茂袁信全蔣耀昌譚興錫招

中譚興錫譚興道譚興昂譚乾彥譚席珍蔣憲彭蔣孔彰蔣學基蔣維高鄧賢廷招興初鄧衍芳鄧紹林鄧永言袁應祥袁奇可袁贊祥黃連昇曹德成譚秋賀譚阿正譚阿右譚阿鳳連阿紅蔣經祥蔣阿丙蔣連正招阿英招阿阜劉觀過許

多有曾
有梯烈婦
諱蔣氏
諱劉氏
諱曾氏
蔣陳氏
盧陳氏
黃譚氏
招劉氏
劉陳氏
烈女
劉三妹
劉阿齊
譚阿好
鄧閨弟
蔣培堅
劉阿玉
招東起
蔣琦
諱阿清
譚玉袁
閨弟
譚美玉
招阿西
侯郭
來勝
俱以祭海
是花
俱同上
按詳紀事
列傳

孝節祠在山谿角鄉道光十二年建祀劉二娘

見列女傳採訪冊

昭義祠在大涌鄉道光二十六年建祀難死林大斌

見忠義傳同上

崇義祠在縣治東文昌廟右道光七年附城及各鄉唐士鯤

等倡建

原注云小樓別建

道光二十七年增建後樓三間上

祀文昌武帝咸豐年間下祀知縣陸孫鼎邑紳曾望顏

採訪冊

鄉義祠在潭洲義學左側咸豐五年建祀難死黃北松馮煥

斌

詳忠義傳

義勇祠在黃梁都沙龍墟咸豐五年建祀難死黃緒林黃龍

喜等四十九人

見忠義傳黃培芳碑記孔子曰殺身以成仁孟子曰舍生而取義故爲國捐軀則褒於

朝廷衛民殺賊則祀於鄉事雖不同大義凜然彪炳天壤其
義一也咸豐四年甲寅吾粵舍匪倡亂盜賊迭起我邑黃梁
都十九鄉紳士耆民黃允中梁光陳士龍趙嗣祿輩倡率捐
貲亟爲團練塔壘時大小濠涌謀爲不軌僞號天運王改元
天運停勇已極其渠魁妄排八卦陰陽障禍婦女以當先水
陸攻劫焚燒巡司官署卒賴諸君子親督義勇出死力以保
全是役也義勇死事凡黃緒林龍喜等四十九名謀案祭法
以死勤事則祀之能禦大菑則祀之能捍大難則祀之於是
鄉人共建義勇祠於沙龍墟春秋祀事以慰忠魂而垂不朽
後人瞻仰斯祠仁義之念吾知其油然而興彼無幾思亂甘
以廢然返矣

義勇祠在西河橋亭左咸豐六年建祀難死張紹才阮品光
等

義勇祠在藜村下伽涌礮臺下同治元年建祀難死彭仲倫

阮根祥歐陽可均歐陽可梅王容簡沈協明許彩輝共七人

詳紀

何勇烈祠在小欖亭于步棕岡祀何朝亮同治七年

敕建

俱同上

文閣凡十九老安山一渡頭村一谷字都一香山場一小欖
鄉一古鎮鄉二濠頭鄉一張家邊一大黃圃三乾霧村一北
山嶺二志小欖鄉二會同村一北山村外一採訪冊

梁津

南門橋在南城外初磬石門架木板明成化間知縣朱顯覆
以亭柱二十四後圯宏治間鄉人楊璧等捐建石拱崇禎十
二年改南門橋在門左以形家言毀之代以木申志國朝康

熙十七年南門改復橋亦旋修高隱城門乾隆十一年知縣

張汝霖倡捐易以平石增柱十二

暴志南門故有橋磬石爲之歲

久堅好改作胡爲者日橋而弗利於行其與無橋幾何也橋
之高可隱門由其門者橋從面起促級窘步上如緣梯下如
駐腋凡橋者負者騎者與者輦而徒雅而嬉遊者舉不便之
余日橋以爲利誠不利已改之復奚疑會有事羅婆陂以其

餘力撤而新之坦坦然衢屬於門履之所加不高其趾人皆忘乎其爲橋焉忘乎橋之利乃大余故樂而爲之銘銘曰天地利溥水多於山無以濟之溢於厓間王者政仁梁什於舟無以康之不涉而憂其憂維何見彼步者僕而拾級膝拄領下憊然如墜趨恐弗勝促息搖精我降我登我馬齊矣如或顯之我僕齊矣如或貽之爰淵我門爰夷我梁無往不復示我周行其石如砥其偷累尋直欄橫檻僂於波心乃步乃趨乃輿乃徒摩肩鼎跡樂以忘劬隳深墉堅於萬斯年君子之道視此平平

新橋在西關下娘媽廠

祝志云卽官船廠

明末建基歷久始成

申志今

名登瀛乾隆四年邑人何一經等脩五十四年邑人黃東嶧

等脩

祝志

西門橋在城西內外二所內磚外木嘉靖十三年易以石

申志

西關橋在水關內一外二俱以木

申志今易以石

暴志

東關橋在城東內外二所內磚外石

申志

祝志云城內二

所一磚一石外三所木

半石

橋仔頭橋在城南蘇洲街尾元時鄉民郭復創明成化中知

縣朱顯建石梁四嘉靖七年鄉人會貲重脩中志國朝康熙

二十六年邑人李永華捐建石拱暴志

天王橋在縣南橋仔頭村宋端宗駐蹕沙浦道經此因名明

洪武間知縣沙彥和建石門二石梁八戚化間僧智能建木

梁八正德間監生蔡日良建木梁六嘉靖二十六年舉人鄭

之藩重建申志國朝康熙間易爲兩石拱路與壩併甃以石

邑人劉清經理之暴志

國朝劉相天王橋懷古詩憶昔南巡此地過一橋管是宋山

河白鷗後殞崖門浪蝶蜂前興旅海戈懸棧風悲憐扈蹕行

宮煙冷想鳴珂天津散步人同感獨倚危欄看逝波揚晉

天王橋懷古詩葛嶺何人日擁媚紫箬遺恨竹河湯侍貂紫

冷波間月羽騎衣寒板上霜日暮風塵思駐益夜殘燈火立

合香自從柴市成仁後閱盡狂瀾抵獨傷何宇天王橋詩

宋帝飄零此駐師水流花謝杜鵑悲當年貢御無佳果一夕

村南熟荔枝何尙綱天王橋詩樓船南狩駐霓旌官柳河

橋舊有名短狹尙能容帝輦六師猶自奮天兵江波澎湃潮
俱應野岸蒼茫廟已傾鱗鱗對顧最是陽春二三月不堪重
聽杜鵑聲 方繩武過天王橋偶占詩月落星稀行路難古
橋人迹夜茫茫然帝於南渡終來粵王在春秋尙紀天白雁歌
餘空逝水荔枝紅過但美煙殘山
半壁天涯盡惆悵蒙塵駐蹕年

青雲橋在石岐山西北康熙五十七年知縣陳應吉建橋通官基

陳應吉修復官基沿途種松以衛城北空缺因造此橋路達

張婆澳暴志 祝志云官基至教場尾西頭有橋跨涌而
北復築官基種松路達張婆澳
今皆改爲田改路先入圍山仔

嘉慶九年邑人毛永芳等重修祝

清風橋在城外東南隅路接北山村暴志

元壇橋在南濠口長七丈七尺濶五尺乾隆五十四年修祝

甲子橋在后岡涌北康熙二十三年甲子建因名祝 咸豐二

年里人劉藻等重修易木爲石採訪

魚步橋在魚步村祝

張溪橋在張婆澳

槎橋在槎橋落相傳村多馬留葵木性堅而難長有大踰合抱者二初建縣時用爲縣治前柱其根鄉人折以爲橋似槎上堂橋在上堂村

河漚橋西村橋圓山橋天后廟橋俱在沙涌

渡頭橋在渡頭村

分花水橋沙角埔橋白泥坑橋長勝埔橋俱在深灣

新安汎橋桂峰橋俱在新安汎

石鼓礎橋長二十六丈嘉慶十年邑人何國琛等脩

濠頭青雲橋在村東五十步舊架木梁嘉慶十五年鄉人易石拱長數丈上護以石欄

東橋在濠頭舊有榕根跨岸成橋名榕根橋嘉慶三年鄉人

易以石改今名

俱同上

蘇師橋在東濠口元至正二年縣尹汪篋建架以木後圯明

成化間鄉人楊璧捐修石門木梁

申志今失所在

祝志云

江尾橋在江尾頭村雍正六年鄉人梁明作易以石

同上

普濟橋在宮花村宋嘉定四年僧法隆創木梁元至元十二

年

暴志作至正十二年

邑人劉文保易以石

同上

國朝道光四年脩

祝志

白石洋橋在宮花溪咸豐十年建石梁二十九處

採訪冊

神涌橋在得能都南陽村

申志村舊在南陽壘西首山坡今廢橋

祝志云暴志隱作洋又云

無確據

大橋在白廟村明代建

祝志

雙鳳橋在張家邊村乾隆五十九年建道光二年易以石

牛拱橋在陂頭村雍正七年監生鄭文喬建

俱同上

萬衍橋在九曲林村泉鄉樵徑鄉人何文遠建

卷志 祝志云今九曲林

無橋長江村前有石橋亦何姓建疑卽此

九曲林溪橋五處俱石梁同治八年鄉人鄭迺康建

採訪冊

石橋頭在石頭村

申志

大墟橋在大字都南萌村

同上 祝志云當卽墟頭橋在茶橋南康熙五十四年修

庫涌溪橋二處俱石梁道光六年鄉人陳容光等建

採訪冊

合水口裏橋二處在石門鄉俱石梁同治五年鄉人建

黃瓜畧橋二處俱石梁同治八年鄉人鄭載賡建

出山虎溪橋二處俱石梁同治八年鄉人黃富齡等建

貝頭村前橋石梁三架亭尾人程焜德捐建

俱同上

南邊塘橋在四字都南邊塘村宋立石

申志 祝志云橋今無考

九度橋在茶園村東舊以木乾隆十五年鄉人陳一翰等倡

捐易石志

五度橋在九度橋東四大兩都水出涌口門經此

龍頭墟橋

原注云金通志
龍頭橋即此

貝頭裏水經焉南百步爲下灣橋

白企水經焉嘉慶四年邑人鄭潤等倡建

四大都青雲橋在雲衢書院前之左舊址在書院右嘉慶二十一年遷築今址圮於水道光六年脩

茶橋在南蒔墟東

水柏樹橋在泮沙村南嘉慶四年築

俱同上

西河橋在龍眼都河爲都要津舊有渡額康熙五十六年知縣陳應吉詳銷倡建石拱橋橋東至石岐海橋西至山谿角砌石千餘丈日久崩缺乾隆十三年邑人劉清鄭剛等倡捐修復

志

六十年沿路易以石條

志

婆石橋在婆石村宋時杜氏媪建明崇禎間鄉人高光謨劉

巽乾湯斯漢脩

申志

國朝雍正十三年署縣舒均再脩

暴志

志云婆石二字殊無取義疑如譚婆橋之例稱杜婆石橋

同

傳者去其一字也或云橋所跨涌名蒲石婆乃蒲之訛

同

治五年涌頭水塘頭岡背婆石涌邊后山六鄉重脩

採訪冊

譚婆橋在塘礮村鄉人譚婆建

申志

白石橋在白石村元民周元建

祝

三板橋在雍陌村

俱同上

今圯

志

菱塘口橋聖堂廟橋屈畧橋閣道定安橋在雍陌村

同上

下陂橋在雍陌鄉之西同治八年里人鄭啟華等建路之窪

採訪冊

者築而高之復於橋邊建石亭

採訪冊

水截頭橋在外埔村界

祝

蚶蛇塘橋在蚶蛇塘村前高二丈許

採訪冊

石塋橋在石塋村前高二丈許

南陂橋細墟橋在烏石

榕根橋在平嵐

俱同上

天妃橋在濠潭村天妃廟前元民周元建石爲梁

申志

國朝

乾隆間村人吳達廷增石梁二

按橋今在前山寨南門外

祝志

馬坑橋在鷄拍村元民鮑錄事建

按舊志在白石村誤同上

水徹橋在古鶴村閩商建雍正六年鄉人梁明作易以石

暴志

三潭橋在古鶴村同治四年建

採訪冊

白眼橋在古鶴村舊有石梁从圯同治六年鄉人重修兩頭

築石

同上

官涌橋在上柵村乾隆十四年鄉人盧文起倡建

祝志·張汝霖記自

古聖人觀象制器作舟楫以利天下後世師其意而廣之而橋以起其用石則踵事之智歟周詩曰造舟爲梁相地宜於

且今日十月成梁州天時也橋之爲義大矣故以言乎在上可以觀政以言乎在下可以觀德昔判史王周出見橋其通吾目而不治者正多也如周者可謂補過未可謂爲政也此政之說也宋祁晴雨潦妨蟻編竹橋而渡之一僧嘉其陰德德于蟻者僭德于人者全偏者易見德而德微全者不見德而德大此德之說也我國家聖聖相承周官之政綱舉而目張修理橋梁載諸合甲又特頒恩諭凡直省橋梁圯廢勅帑修建一時通都大邑以及山陬海澨民無病涉者是以政成於上而士大夫之居家與鄉曲小民之好行其德者亦蒸蒸焉嗚呼何其數也香之東負山臨海官涌當上樑諸村孔道納衆容而涵潮汐渡舟弗給於行進士盧君倡衆伐石而橋之蓋辦舉也是役也有四德焉昔無而今有元也易險而爲通亨也惠徧於一方利也功及於十世貞也天地德終於貞而化起於貞盧君沈靜端慤躬行其德以率其鄉貞如石焉橋之奏功者固宜抑吾聞之德者取之本盧君抱仁兼義式于鄉閭異日出而履官其所以順天時相地宜以爲利者皆可作橋觀也卽謂盧君之政于是乎具亦奚不可之有橋委一十四丈廣五之一經始於乾隆

大關橋在東岸村右側

疏水利

聚源石橋在北山嶺村前爲往澳通衢乾隆間建道光四年

官民捐貲脩長三丈五尺

六斗橋在翠微村南昔經理社倉者私收穀六斗鄉人罰建橋因名水勢湍急一橋門不能容屢崩塌嘉慶間增一門俱同上

虎頭橋在翠微村北道光間鄉人易木以石爲梁三採訪冊

第二橋在翠微村

十字橋在翠微村之南

翠環橋在翠微村西南橋長三丈餘水門二每門架石三條有板可開灌田數十頃

接源橋在會同村西道光甲辰里人莫維垣等建

青雲橋在會同村北上有闢以爲守險之計道光丙午里人

莫廷鑑等建俱同上

教場新橋在前山寨鷓管埔嘉慶十六年寨民建志

大坑橋在南大涌村外跨大坑水駛石屢圯道光五年修代

以木同上同治元年里人鄭文東等重建易木以石長十三丈

高欄一丈餘下開十三孔以洩坑水採訪冊

瓦窯浦石橋北山鄉民捐建志

新橋舊橋在澳門西北同上

雙美橋在大欖村洪武中巡檢陳忠建申志

泰甯橋在小欖村

躍龍橋在小欖乾隆十三年何紹禹倡修俱同上道光七年鄉

人李翰書等重修志

東源橋四美橋東甯橋成美橋鳳美橋在大欖

起鳳橋捷源橋新龍橋長龍橋深澳橋基頭橋西橋迴瀾橋

馬橋

又名灘津橋

東秀橋在小欖

通天橋在飛駝山下

兩儀橋在圓欖涑口

俱同上

普濟橋在大欖四聖宮側

採訪冊

文閣橋榕蔭橋在古鎮山之陽

觀志

千澗橋在海洲曹步界嘉慶二十四年二鄉人建

通理橋在大黃圃初以木嘉慶二十四年鄉人易以石

俱同上

青雲橋在小黃圃北里村上跨小河近環大海道光十一年

五月翁紹熙等倡建咸豐六年八月翁普霖等重修

採訪冊

六榕橋在潭洲嶺東村前古榕六株蟠根成橋

觀志

通濟橋在黃岡都土城東北二里初架木乾隆間易以石長

五丈餘水門三

龍歸橋在龍歸寺前舊架木道光七年易以石長十丈水門

三

三續橋在乾霧鄉東石梁長五丈水門三

俱同上

風流橋在深潭村

採訪冊

長生橋在小濠涌村

東坑橋在大赤坎村

文頭橋在大赤坎村

黃坭映橋在大赤坎村

俱同上

沙龍橋在沙龍墟東北半里石梁長二丈水門二

祝志

接龍橋在荔枝山村右乾隆五十四年建石梁長三丈餘水

門二

達德橋在南門村右側石梁

大石橋在乾霧村東石梁

俱同上

長行渡

石岐往省城五 往南海佛山一 往南海山根一 往順德陳村二 往順德桂洲一 往順德馬村一 往順德黃連順搭倫滘一 往順德碧鑑順搭黃圃桂洲容奇一 往南海沙頭萬安順搭龍江勒樓逢簡一 往東莞石龍墟一 往新會江門三 往小欖三 往黃梁都斗門小赤坎荔枝山一 往麻子白石下涌一 往澳門大馬頭順搭沙尾前山三竈一 往澳門沙環仔一 往斗門涌一 往沙梨頭澳門唐家海門一 往澳門前山竈貝一 往翠微順搭恭常都一 往前山翠微蜘蛛洲孖洲沙尾北山澳門一 往三竈牛婆墾寶口一 往澳門沙梨頭大涌赤坎一 往澳

門菓欄馬頭一 往三竈大涌牛婆竈運塘澳門一 往茅
灣平嵐窳陌石塘烏石順搭澳門蚶洲孖洲坦洲一 往古
鶴界涌外浦窳陌順搭大埔沙江平湖石塘前隴塘礮一一風
四都樓邊墟至石岐一一採訪

四大兩都往省城一

小隱涌內八鄉至石岐一上俱同

小欖往省城二 往省城順搭容奇桂洲一 往南海佛山

順搭馬岡容奇一 往順德大良二 往順德甘竹二 往

順德倫滘石湖涌一 往順德陳村一 往順德甘竹排涌

二 往順德槎涌順搭高贊梁豫黃連一 往順德龍江二

往順德桂洲容奇大門馬岡一 往順德馬村勒樓一

往順德桂洲裏村一 往順德馬滘一 往順德杏壇一

往順德馬甯一 往順德碧江一 往順德倫洛一 往新

會江門三 大欖往黃梁都三窟順搭大托高瀾乾霧上下

川一志

澳門往新會江門二

黃梁都往新會縣江門一 往新會水口天平一 往新會

大涌口一俱同一 曷至石岐一 二 曷至石岐一採訪

南門鄉由斗門往新會江門一 由斗門往新會城一

斗門往新會天平一 由南門涌往沙梨頭一

小濠涌往咽嗝馬頭一

小赤坎往石岐一

乾霧由斗門往新會一俱同上

古鎮往新會江門二 往新會潮連蟠步一 往新會蟠步

一 往新會外海一 往海洲一 沙尾村往新會江門一

茶園至石岐二

祝志

前山沙邊至石岐一

黃角往番禺市橋三 往順德陳村一

大黃圃往順德容奇桂洲北潮大門濠城外柵口二

海洲往順德馬溜一 往大欖寨前一

三竈牛婆塋往新會江門一

俱同上

潭洲往順德大良二

祝志一今增

往順德陳村二

祝志一今增

往順德

容奇一

採訪冊

小黃圃經潭往省城一

同上

雍陌往澳門順搭涌尾古鶴石塘外埔前壠大埔一

祝志

石門塔腳至石岐一

李丁

建置 梁津

三

南朗至石岐一

上柵官涌口順搭下柵墟至石岐一

下柵往順德陳村順搭唐家東岸淇澳后門涌灣頭澳一

至石岐一

淇澳至石岐順搭麻子涌口泮沙下柵東岸一

翠微中心涌白墳肚桔仔園往新會江門一

下基南北岸鎮塘萬埠上下水步往高黎二沙順搭米灣一

俱同上

橫水渡

秀尾園過沙涌一

祝志

前山廟過桔仔園一

大環過江尾頭

一海門過爛泥灣一

古鶴過茅灣一

沙尾過對海一

北山灣仔過澳門一

大涌南文基頭過金角環一小

攬雞腸溜過第二埭汎前一 第四圍荔枝園振塘過對海

和尙園林岡涌新涌一 城隍廟前水步過朱陸螺灣海岸

水步一 九洲基過曹步一 小黃圃岐山嘴過順德容奇

東社一 北山村前過前山白墳馬頭一俱同上 石角嘴過澳

門馬頭一採訪 前山過澳門馬頭一祝志 白墳肚過北山馬頭

一採訪 界涌過石塘一 長洲過石岐一 龍眼都過石岐

一祝志 原注云向承餉乾隆十三年邑人劉清鄭剛等倡

捐千餘金改為義渡公置田五十四畝劉子忠捐田六畝

劉觀德捐田九畝高忠生捐田五畝四分高洪生捐田五畝

楊露亭捐南村沙岡下湖田三十畝以爲之界其村落多在島

嶼濠記香邑東南距海山經水緯以爲之界其村落多在島

水一渡各鄉赴縣津路之衝也向爲公渡邑民高運昌劉瑞

英所承客商往來每人收錢一文資工供餉先是康熙戊戌

前令陳公捐俸倡題自石岐以至邑西十五里之山谿角沿

遂砌石通以橋梁其善有之西河中渡准詳豁額澤亦普矣

乃日月薄蝕曩之所築皆湮沒於荒煙草野中於是津路修

阻行旅維艱有心者未嘗不心焉傷之今夫渡以充餉因

建置 梁津

三

有常課而邑中豪強往往藉以爲利輕重其資以入於已各以利人資以自利而爲往來之梗所在多有求其敦於古處好義可風殊罕觀焉余奉調茲邑下車之始卽進諸紳士詢以興利便民之政苟有助余之不逮者余嘗爲嘉獎之無何縉紳劉清等以西河石路倡衆修復已經告竣並捐資買船欲以公渡設爲義渡來言請記於余於戲可謂勇於爲義者矣且夫事之創也固未易而踵而成之尤難設石路之修義渡之設其費浩繁非合衆力不足以舉吾不知前令幾經綢繆克爲之創今清等捐金首倡而四鄉慕義樂助恐後復詳爲經理說於告成削干餘丈之崎嶇而結之坦易拯百千人於寶筏而罔費腰錢是可見數君夙昔忠誠能以率人而亦可見諸鄉人之皆能以古道共處而進於醇龐也由是于而來問津者無匏葉之歎行道者有坦平之頌諸君利物濟人之澤固非淺鮮而前令陳公所經營之業亦於此並垂不朽矣夫宣揚德化鼓勵善俗令之責也岡頭過放馬一故樂爲之記鑄之於石以勸後之好義君子岡頭過放馬一

採訪

新河過放馬馬前一

過馬前一

過龍骨基一

上俱同

東鄉大路爲各鄉來城通衢咸豐十年鄉人簡騰光等倡修濶皆六尺許由柏山至崖口六十餘里林謙有記立碑亭於

宮花溪

採訪

鹹水壘卽蜆涌壘由山際頭至庫涌八畝畧田壘長四百餘丈濶俱六尺咸豐十一年鄉人稟知縣袁英脩築

庫涌石壘由大北壘頭至庫涌長三百餘丈濶俱六尺面築

石條咸豐十一年鄉人稟知縣袁英脩築

俱同上

